

ओं नमः परमात्मने, श्री महागणपतये नमः,
श्री गुरुभ्यो नमः, ह॒रिः ओं

कृष्ण यजुर्वेदीय तैत्तिरीय संहिता पद पाठः
(वाक्य सहित)

पञ्चमकाण्डे सप्तमः प्रश्नः

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in

Version Notes

1. This version, 0.1 dt 31st May 2020, is the current version.
2. This Version replaces earlier version 0.0 dated 30th September 2019.
3. Errors found and reported till 30th April 2020 have been incorporated.
4. We have modified conventions, styles etc wherever necessary.

Table of Contents

5 कृष्ण यजुर्वेदीय तैत्तिरीय संहितायां पद पाठे

पञ्चमं काण्डं 4

5.7 पञ्चमकाण्डे सप्तमः प्रश्नः—

उपानुवाक्यावशिष्टकर्मनिरूपणं.....4

पद पाठे (वाक्य सहित) – पञ्चमकाण्डे – सप्तमः प्रश्नः

ओं नमः परमात्मने, श्री महागणपतये नमः,

श्री गुरुभ्यो नमः , हरिः ओं

5 कृष्ण यजुर्वेदीय तैत्तिरीय संहितायां पद पाठे पञ्चमं काण्डं

5.7 पञ्चमकाण्डे सप्तमः प्रश्नः—

उपानुवाक्यावशिष्टकर्मनिरूपणं

TS 5.7.1.1

यो वा अ॒य॒था॒दे॒व॒त॒म॒ग्निं॑ चि॒नु॒त आ दे॒व॒ता॒भ्यो॑ वृ॒श्च॒य॒ते पा॒पी॒या॒न्
भव॒ति॒ यो य॒था॒दे॒व॒तं॑ न दे॒व॒ता॒भ्य आ॑ वृ॒श्च॒य॒ते व॒सी॒या॒न् भव॒त्या॒ग्ने॒य्या
गा॒य॒त्रि॒या प्र॒थ॒मां चि॒ति॒म॒भि मृ॒शे॒त् त्रि॒ष्टु॒भा द्वि॒ती॒यां जग॑त्या
तृ॒ती॒या॒म॒नु॒ष्टु॒भा च॒तु॒र्थीं॑ प॒ङ्क्त्या॑ प॒ञ्च॒मीं य॒था॒दे॒व॒त॒मे॒वा॒ग्निं॑ चि॒नु॒ते
न दे॒व॒ता॒भ्य आ॑ वृ॒श्च॒य॒ते व॒सी॒या॒न् भव॒ती॒डा॒यै वा ए॒षा वि॒भ॒क्तिः॑ प॒श॒व
इ॒डा प॒शु॒भि॒रे॒नं— [] 1

TS 5.7.1.1 - Padam

यः । वै । अ॒य॒था॒दे॒व॒त॒मि॒त्य॒य॒था॒-दे॒व॒त॒म् । अ॒ग्नि॒म् । चि॒नु॒ते । ए॒ति॒ ।
दे॒व॒ता॒भ्यः॑ । वृ॒श्च॒य॒ते॑ । पा॒पी॒या॒न् । भ॒व॒ति॒ । यः । य॒था॒दे॒व॒त॒मि॒ति॑
य॒था - दे॒व॒त॒म् । न । दे॒व॒ता॒भ्यः॑ । ए॒ति॒ । वृ॒श्च॒य॒ते॑ । व॒सी॒या॒न् ।
भ॒व॒ति॒ । आ॒ग्ने॒य्या । गा॒य॒त्रि॒या । प्र॒थ॒मा॒म् । चि॒ति॒म् । अ॒भी॒ति॒ ।
मृ॒शे॒त् । त्रि॒ष्टु॒भाः॑ । द्वि॒ती॒या॒म् । जग॒त्या । तृ॒ती॒या॒म् ।
अ॒नु॒ष्टु॒भे॒त्य॒नु - स्तु॒भा॑ । च॒तु॒र्थी॒म् । प॒ङ्क्॒त्या । प॒ञ्च॒मी॒म् ।
य॒था॒दे॒व॒त॒मि॒ति॑ य॒था - दे॒व॒त॒म् । ए॒व । अ॒ग्नि॒म् । चि॒नु॒ते॑ । न ।
दे॒व॒ता॒भ्यः॑ । ए॒ति॒ । वृ॒श्च॒य॒ते॑ । व॒सी॒या॒न् । भ॒व॒ति॒ । इ॒डा॒यै॑ । वै । ए॒षा ।
वि॒भ॒क्ति॒रि॒ति॒ वि - भ॒क्तिः॑ । प॒श॒वः॑ । इ॒डा॑ । प॒शु॒भि॒रि॒ति॒ प॒शु-भिः॑ ।

ए॒न॒म् । 1 (50)

TS 5.7.1.2

-चि॒नु॒ते॑ यो वै प्र॒जा॒प॒त॒ये॑ प्र॒ति प्रो॒च्या॒ग्निं॑ चि॒नो॒ति॒ नाऽऽ*ति॒मा॒च्छ-
त्य॒श्वा॒व॒भि॒त॒स्ति॒ष्ठे॒तां॑ कृ॒ष्ण॑ उ॒त्त॒र॒तः॑ श्वे॒तो दक्षि॑ण॒स्ता॒वा॒ल॒भ्ये॒ष्ट॒का॒ उप॑
द॒द्ध्य॒ादे॒त॒द्वै प्र॒जा॒प॒ते॑ रू॒पं प्रा॒जा॒प॒त्योऽश्वः॑ सा॒क्षा॒दे॒व प्र॒जा॒प॒त॒ये॑

प्रति॑प्रोच्या॒ग्निं चि॑नोति॒ नाऽऽ*॒र्तिमा॑र्च्छत्येतद्वा॒ अहो॑ रूपं

यच्छ्वे॒तोऽश्वो॑ रा॒त्रियै॑ कृ॒ष्ण ए॒तद॒हो – [] 2

TS 5.7.1.2 - Padam

चि॒नु॒ते । यः । वै । प्र॒जाप॑तय॒ इति॑ प्र॒जा – प॒तये॑ । प्र॒तिप्रो॑च्येति॒
प्रति॑ – प्रोच्य॑ । अ॒ग्निम् । चि॒नोति॑ । न । आ॒र्तिम् । एति॑ । ऋ॒च्छति॑ ।
अश्वौ॑ । अ॒भितः॑ । ति॒ष्ठेता॑म् । कृ॒ष्णः । उ॒त्तर॑त इत्युत् – त॒रतः॑ ।
श्वे॒तः । दक्षि॑णः । तौ । आ॒लभ्ये॑त्या – ल॒भ्य । इष्ट॑काः । उ॒पेति॑ ।
द॒द्ध्यात् । ए॒तत् । वै । प्र॒जाप॑तेरिति॒ प्रजा॑ – प॒तेः । रू॒पम् ।
प्रा॒जाप॑त्य इति॒ प्राजा॑ – प॒त्यः । अश्वः॑ । सा॒क्षादि॑ति स – अ॒क्षात् ।
ए॒व । प्र॒जाप॑तय॒ इति॑ प्र॒जा – प॒तये॑ । प्र॒तिप्रो॑च्येति॒ प्रति॑ – प्रोच्य॑ ।
अ॒ग्निम् । चि॒नोति॑ । न । आ॒र्तिम् । एति॑ । ऋ॒च्छति॑ । ए॒तत् । वै ।
अ॒हः । रू॒पम् । यत् । श्वे॒तः । अश्वः॑ । रा॒त्रियै॑ । कृ॒ष्णः । ए॒तत् ।
अ॒हः । 2 (50)

TS 5.7.1.3

रूपं॑ य॒दि॒ष्ट॒का॒ रा॒त्रि॒यै॑ पु॒री॒ष॒मि॒ष्ट॒का॒ उप॒धा॒स्य॒ञ्छ॒वे॒त॒म॒श्व॒म॒भि॒ मृ॒शे॒त्
पु॒री॒ष॒मु॒प॒धा॒स्य॒न् कृ॒ष्ण॒म॒हो॒रा॒त्रा॒भ्या॒मे॒वैनं॑ चि॒नु॒ते हि॒र॒ण्य॒ पा॒त्रं॑ म॒धोः॑
पू॒र्णं॑ द॒दा॒ति म॒ध॒व्यो॒ऽसा॒नी॒ति सौ॒र्या॑ चि॒त्र॒व॒त्या॒ऽवै॒क्ष॒ते चि॒त्र॒मे॒व भ॒व॒ति
म॒द्ध्य॒न्दि॒ने॒ऽश्व॒म॒व घ्रा॒प॒य॒त्य॒सौ वा आ॒दि॒त्य इ॒न्द्र ए॒ष प्र॒जा॒प॒तिः
प्रा॒जा॒प॒त्यो॒ऽश्व॒स्त॒मे॒व सा॒क्षा॒दृ॒द्ध॒नो॒ति ॥ 3

TS 5.7.1.3 - Padam

रूप॑म् । यत् । इ॒ष्ट॒काः । रा॒त्रि॒यै॑ । पु॒री॒ष॒म् । इ॒ष्ट॒काः ।
उ॒प॒धा॒स्य॒न्नित्यु॑प – धा॒स्य॒न् । श्वे॒त॒म् । अ॒श्व॒म् । अ॒भी॒ति॑ । मृ॒शे॒त् ।
पु॒री॒ष॒म् । उ॒प॒धा॒स्य॒न्नित्यु॑प – धा॒स्य॒न् । कृ॒ष्ण॒म् ।
अ॒हो॒रा॒त्रा॒भ्या॒मित्य॑हः – रा॒त्रा॒भ्या॒म् । ए॒व । ए॒न॒म् । चि॒नु॒ते ।
हि॒र॒ण्य॒पा॒त्र॒मि॒ति॑ हि॒र॒ण्य॒-पा॒त्र॒म् । म॒धोः॑ । पू॒र्ण॒म् । द॒दा॒ति॑ । म॒ध॒व्यः॑ ।
अ॒सा॒नि॒ । इ॒ति॑ । सौ॒र्या॑ । चि॒त्र॒व॒त्ये॒ति॑ चि॒त्र॒-व॒त्या॒ । अ॒वे॒ति॑ । ई॒क्ष॒ते॒ ।
चि॒त्र॒म् । ए॒व । भ॒व॒ति॑ । म॒द्ध्य॒न्दि॒ने॒ । अ॒श्व॒म् । अ॒वे॒ति॑ । घ्रा॒प॒य॒ति॑ ।
अ॒सौ । वै । आ॒दि॒त्यः॑ । इ॒न्द्रः॑ । ए॒षः॑ । प्र॒जा॒प॒ति॒रि॒ति॑ प्र॒जा॒-प॒तिः॑ ।

प्रा॒जाप॒त्य इति॑ प्रा॒जा – प॒त्यः । अ॒श्वः । तम् । ए॒व ।

सा॒क्षादि॑ति स – अ॒क्षात् । ऋ॒द्ध्नो॒ति ॥ 3 (48)

(ए॒न – मे॒तद॒हो – ऽष्टा॑च॒त्वारि॑ं॒शच्च॑) (A1)

TS 5.7.2.1

त्वा॒मग्ने॑ वृ॒षभं॑ चे॒कितानं॑ पु॒नर्यु॑वा॒नं ज॒नय॑न्नुपा॒गां ।

अ॒स्थू॒रि णो॑ गा॒र्हप॑त्यानि स॒न्तु ति॒ग्मेन॑ नो ब्र॒ह्मणा॑ सꣳ शि॒शाधि॑ ॥

प॒शवो॑ वा ए॒ते यद्वि॑ष्टका॒श्रित्यां॑ चि॒त्यामृ॑षभमु॒प द॑धाति

मि॒थुन॑मे॒वास्य॑ तद्-य॒ज्ञे करो॑ति प्र॒जन॑नाय॒ तस्मा॑द्-यू॒थेयू॑थ ऋ॒षभः॑ ॥

सँव॑त्स॒रस्य॑ प्र॒तिमां॑ यां त्वा रा॒त्र्युपा॑सते ।

प्र॒जाꣳ सु॒वीरां॑ कृ॒त्वा वि॒श्वमा॑युर्व्य॒श्नव॑त् ॥

प्रा॒जाप॒त्या- [] 4

TS 5.7.2.1 - Padam

त्वा॒म् । अ॒ग्ने । वृ॒षभ॑म् । चे॒कितान॑म् । पु॒नः । यु॒वान॑म् । ज॒नय॑न् ।

उपा॒गामि॑त्यु॒प- आ॒गाम् ॥ अ॒स्थू॒रि । नः । गा॒र्हप॑त्यानीति

गा॒र्ह- प॑त्यानि । स॒न्तु । ति॒ग्मेन॑ । नः । ब्र॒ह्मणा॑ । समि॑ति ।

शि॒शा॒धि॒ ॥ प॒श॒वः॑ । वै । ए॒ते । यत् । इ॒ष्ट॒काः ।
चि॒त्यां॒॑चि॒त्या॒मि॒ति॒ चि॒त्यां॑ – चि॒त्या॒म् । ऋ॒ष॒भ॒म् । उ॒पे॒ति॑ । द॒धा॒ति॑ ।
मि॒थु॒न॒म् । ए॒व । अ॒स्य॑ । तत् । य॒ज्ञे । क॒रो॒ति॑ । प्र॒ज॒न॒ना॒ये॒ति॑
प्र – ज॒न॒ना॒य॑ । तस्मा॑त् । यू॒थे॒यू॒थ॒ इति॑ यू॒थे – यू॒थे॒ । ऋ॒ष॒भः॑ ॥
सँ॒व॒थ्स॒र॒स्ये॒ति॑ सं – व॒थ्स॒र॒स्य॑ । प्र॒ति॒मा॒मि॒ति॑ प्र॒ति – मा॒म् । या॒म् ।
त्वा । रा॒त्रि॒ । उ॒पा॒स॒त॒ इत्यु॑प – आ॒स॒ते ॥ प्र॒जा॒मि॒ति॑ प्र – जा॒म् ।
सु॒वी॒रा॒मि॒ति॑ सु – वी॒रा॒म् । कृ॒त्वा । वि॒श्व॒म् । आ॒युः॑ । वी॒ति॑ ।
अ॒श्न॒व॒त् ॥ प्रा॒जा॒प॒त्या॒मि॒ति॑ प्रा॒जा – प॒त्या॒म् । 4 (50)

TS 5.7.2.2

–मे॒ता॒मु॒प॒ द॒धा॒ती॒यं॑ वा॒ वैषै॑का॒ष्ट॒का॒ यदे॒वैका॑ष्ट॒का॒या॒म॒न्नं॑
क्रि॒य॒ते॒ तदे॒वै॒त॒या॒व॑ रु॒न्ध॒ ए॒षा॒ वै प्र॒जा॒प॒तेः॑ का॒म॒दु॒घा॒ तयै॒व
य॒ज॒मा॒नो॒ऽमु॒ष्मिन्॑ लो॒के॒ऽग्निं॑ दु॒हे॒ येन॑ दे॒वा ज्यो॒ति॒षो॒र्ध्वा
उ॒दा॒य॒न् येना॑ऽऽदि॒त्या॒ व॒स॒वो॒ येन॑ रु॒द्राः॑ ।
येना॑ङ्गि॒र॒सो॒ म॒हि॒मा॒न॒–मा॒न॒शु॒स्तेनै॑तु॒ यज॑मा॒नः॑ स्व॒स्ति ॥
सु॒व॒र्गा॒य॒ वा ए॒ष लो॒का॒य॒ – [] 5

TS 5.7.2.2 - Padam

ए॒ताम् । उ॒पेति॑ । द॒धाति॑ । इ॒यम् । वा॒व । ए॒षा ।
ए॒का॒ष्टके॑त्ये॒क – अ॒ष्टका॑ । यत् । ए॒व ।
ए॒का॒ष्टका॑यामि॒त्ये॒क – अ॒ष्टका॑याम् । अ॒न्नम् । क्रि॒यते॑ । तत् । ए॒व ।
ए॒तया॑ । अ॒वेति॑ । रु॒न्धे । ए॒षा । वै । प्र॒जाप॑तेरि॒ति प्र॒जा – प॒तेः ।
का॒मदु॒घेति॑ का॒म – दु॒घा । तया॑ । ए॒व । यज॑मानः । अ॒मुष्मि॑न् ।
लो॒के । अ॒ग्निम् । दु॒हे । ये॒न । दे॒वाः । ज्यो॑तिषा । ऊ॒र्ध्वाः ।
उ॒दाय॑न्नित्युत् – आ॒यन् । ये॒न । आ॒दि॒त्याः । व॒सवः॑ । ये॒न । रु॒द्राः ॥
ये॒न । अ॒ङ्गिर॑सः । म॒हि॒मान॑म् । आ॒न॒शुः । ते॒न । ए॒तु । यज॑मानः ।
स्व॒स्ति ॥ सु॒वर्गा॑येति सु॒वः – गा॒य । वै । ए॒षः । लो॒काय॑ । 5 (50)

TS 5.7.2.3

ची॒यते॑ यद॒ग्निर्ये॑न॒ दे॒वा ज्यो॑तिषो॒र्ध्वा उ॒दाय॑न्नित्यु॒ख्यं॑ स॒मि॒न्ध
इ॒ष्टका॑ ए॒वैता॑ उप॒ धत्ते॑ वा॒नस्प॑त्याः सु॒वर्ग॑स्य लो॒कस्य॑ स॒म॒ष्ट्यै
श॒तायु॑धाय श॒तवी॑र्याय श॒तो॒तये॑ ऽभि॒माति॑षाहे॑ ।
श॒तं यो॑ नः श॒रदो॑ अजी॒तानि॑न्द्रो नेष॒दति॑ दु॒रि॒तानि॑ वि॒श्वा ॥

ये च॒त्वारः॑ प॒थयो॑ दे॒वयाना॑ अ॒न्तरा॑ द्यावापृ॒थिवी॑ वि॒यन्ति॑ ।

तेषां॑ यो अ॒ज्यानि॑- म॒जीति॑-मा॒वहात्॑ तस्मै॑ नो दे॒वाः - [] 6

TS 5.7.2.3 - Padam

ची॒यते॑ । यत् । अ॒ग्निः । येन॑ । दे॒वाः । ज्योति॑षा । उ॒र्ध्वाः ।
उ॒दाय॑न्नित्युत्-आ॒यन् । इति॑ । उ॒ख्यम् । स॒मिति॑ । इ॒न्धे । इ॒ष्टकाः ।
ए॒व । ए॒ताः । उ॒पेति॑ । ध॒त्ते । वा॒नस्प॑त्याः । सु॒वर्ग॑स्येति॑
सु॒वः-ग॑स्य । लो॒कस्य॑ । स॒मष्ट्या॑ इति॑ सं - अ॒ष्ट्यै । श॒तायु॑धायेति॑
श॒त - आ॒यु॒धाय॑ । श॒तवी॑र्यायेति॑ श॒त - वी॒र्याय॑ । श॒तो॒तय॑ इति॑
श॒त - ऊ॒तये॑ । अ॒भिमा॑तिषाह॒ इत्य॑भिमाति - साहे॑ ॥ श॒तम् । यः ।
नः । श॒रदः॑ । अ॒जी॒तान् । इन्द्रः॑ । ने॒षत् । अ॒तीति॑ । दु॒रितानी॑ति॑
दुः - इ॒तानि॑ । वि॒श्वा ॥ ये । च॒त्वारः॑ । प॒थयः॑ । दे॒वयाना॑ इति॑
दे॒व - या॑नाः । अ॒न्तरा॑ । द्यावापृ॒थिवी॑ इति॑ द्यावा॑ - पृ॒थिवी॑ ।
वि॒यन्तीति॑ वि - यन्ति॑ ॥ तेषा॑म् । यः । अ॒ज्यानि॑म् । अ॒जी॒तिम् ।
आ॒वहा॑दित्या॑ - वहा॑त् । तस्मै॑ । नः । दे॒वाः । 6 (50)

TS 5.7.2.4

परि॑ दत्ते॒ह सर्वे॑ ॥

ग्री॒ष्मो हे॒मन्त॑ उ॒त नो॑ वस॒न्तः शर॑द् व॒र्षाः सु॒वित॑न्नो अस्तु ।

तेषा॑मृ॒तूनां॑ श॒त शार॑दानां नि॒वात॑ ए॒षाम॑भये स्याम ॥

इ॒दुव॑त्स॒राय॑ परि॒वत्स॑राय॒ संव॑त्स॒राय॑ कृ॒णु॒ता बृ॑ह॒न्नमः॑ ।

तेषां॑ व॒यं सु॒मतौ॑ य॒ज्ञिया॑नां ज्यो॒गजी॑ता अ॒हताः॑ स्याम ॥

भ॒द्रान्नः॑ श्रे॒यः सम॑नैष्ट दे॒वास्त्वया॑ऽव॒सेन॑ सम॒शीम॑हि त्वा ।

स नो॑ म॒यो भूः पि॑तो – [] 7

TS 5.7.2.4 - Padam

प॒रीति॑ । द॒त्त । इ॒ह । सर्वे॑ ॥ ग्री॒ष्मः । हे॒मन्तः॑ । उ॒त । नः॑ । वस॒न्तः॑ ।

शर॑त् । व॒र्षाः । सु॒वित॑म् । नः॑ । अस्तु॑ ॥ तेषा॑म् । ऋ॒तूना॑म् ।

श॒तशार॑दाना॒मिति॑ श॒त – शार॑दाना॒म् । नि॒वात॑ इति॒ नि – वा॒ते ।

ए॒षाम् । अ॒भये॑ । स्या॒म ॥ इ॒दुव॑त्स॒रायेती॑दु – व॒त्स॒राय॑ ।

प॒रि॒वत्स॑रायेति॒ परि॑ – व॒त्स॒राय॑ । स॒ंवत्स॑रायेति॒ सं – व॒त्स॒राय॑ ।

कृ॒णु॒त । बृ॒हत् । नमः॑ ॥ तेषा॑म् । व॒यम् । सु॒म॒तावि॑ति॒ सु – म॒तौ ।

य॒ज्ञि॒या॒नाम् । ज्योक् । अ॒जी॒ताः । अ॒ह॒ताः । स्या॒म ॥ भ॒द्रा॒त् । नः ।

श्रे॒यः । स॒मि॒ति । अ॒नै॒ष्ट । दे॒वाः । त्वया॑ । अ॒व॒से॒न । स॒मि॒ति ।

अ॒शी॒म॒हि । त्वा ॥ सः । नः । म॒यो॒भू॒रि॒ति म॒यः-भूः ।

पि॒तो इति॑ । 7 (50)

TS 5.7.2.5

आ वि॒श॒स्व शं॑ तो॒काय॑ त॒नुवे॑ स्यो॒नः ॥

अ॒ज्या॒नी॒रे॒ता उप॑ द॒धात्ये॒ता वै दे॒वता॑ अ॒परा॒जि॒ता॒स्ता ए॒व प्र वि॒शति॑

नै॒व जी॒यते॑ ब्र॒ह्म॒वा॒दि॒नो वद॑न्ति यद॒र्ध॒मा॒सा मा॒सा ऋ॒तवः॑ सँ॒व॒थ्स॒र

ओष॑धीः प॒च॒न्त्यथ॑ कस्मा॒दन्या॑भ्यो दे॒वता॑भ्य आ॒ग्र॒यणं॑ नि॒रु॒प्यत॑

इत्ये॒ता हि तद्-दे॒वता॑ उ॒द॒ज॒यन् यदृ॒तु॒भ्यो निर्व॑पेद् दे॒वता॑भ्यः स॒मदं॑

द॒ध्या॒दा॒ग्र॒यणं॑ () नि॒रु॒प्यै॒ता आ॒हु॒ती जु॒होत्य॑र्ध॒मा॒साने॒व

मा॒सानृ॒तून्थ् सँ॒व॒थ्स॒रं प्री॑णाति न दे॒वता॑भ्यः स॒मदं॑ द॒धाति॑ भ॒द्रान्नः॑

श्रे॒यः स॒मनै॑ष्ट दे॒वा इत्या॑ह हु॒ताद्या॑य यज॒मान॑स्याऽ*परा॒भावा॑य ॥ 8

TS 5.7.2.5 - Padam

ए॒ति॑ । वि॒श॒स्व॒ । श॒म् । तो॒काय॑ । त॒नुवे॑ ॥ स्यो॒नः ॥ अ॒ज्या॒नीः ।
ए॒ताः । उ॒पेति॑ । द॒धाति॑ । ए॒ताः । वै । दे॒वताः ॥
अ॒परा॒जिता॒ इत्य॑परा – जि॒ताः । ताः । ए॒व । प्रेति॑ । वि॒शति॑ । न ।
ए॒व । जी॒यते॑ । ब्र॒ह्मवा॒दिन॑ इति॑ ब्र॒ह्म – वा॒दिनः॑ । व॒दन्ति॑ । यत् ।
अ॒र्ध॒मा॒सा इत्य॑र्ध – मा॒साः । मा॒साः । ऋ॒तवः॑ । सँव॒थ्सर॑ इति॑
सं – व॒थ्सरः॑ । ओष॑धीः । प॒चन्ति॑ । अथ॑ । कस्मा॑त् । अ॒न्याभ्यः॑ ।
दे॒वता॑भ्यः ॥ आ॒ग्रय॑णम् । नि॒रिति॑ । उ॒प्यते॑ । इति॑ । ए॒ताः । हि । तत् ।
दे॒वताः॑ । उ॒दज॑यन्नित्युत् – अ॒जय॑न् । यत् । ऋ॒तुभ्य॑ इत्यु॒तु-भ्यः॑ ।
निर्व॑पेदिति॑ निः – व॒पेत् ॥ दे॒वता॑भ्यः । स॒मद॑मिति॑ स – म॒दम् ॥
द॒द्ध्यात् । आ॒ग्रय॑णम् () । नि॒रुप्येति॑ निः – उ॒प्य । ए॒ताः ।
आहु॑तीरित्या– हु॒तीः । जु॒होति॑ । अ॒र्ध॒मा॒सानित्य॑र्ध – मा॒सान् ।
ए॒व । मा॒सान् । ऋ॒तून् । सँव॒थ्सर॑मिति॑ सं – व॒थ्सर॑म् । प्री॒णाति॑ ।
न । दे॒वता॑भ्यः । स॒मद॑मिति॑ स – म॒दम् ॥ द॒धाति॑ । भ॒द्रात् । नः ।

पद पाठे (वाक्य सहित) – पञ्चमकाण्डे – सप्तमः प्रश्नः

श्रेयः । समिति । अनैष्ट । देवाः । इति । आह । हुताद्यायेति
हुत – अद्याय । यजमानस्य । अपराभावायेत्यपरा – भावाय ॥ 8 (75)

(प्रजापत्यां – लोकाय – देवाः – पितो – दध्यादाग्रयणं –
पञ्चविंशतिश्च) (A2)

TS 5.7.3.1

इन्द्रस्य वज्रोऽसि वार्त्रघ्नस्तनूपा नः प्रतिस्पशः ।
यो नः पुरस्ताद् दक्षिणतः पश्चादुत्तरतोऽघायुरभिदासत्येत
सोऽश्मानमृच्छतु ॥

देवासुराः सँयत्ता आसन् तेऽसुरा दिग्भ्य आऽबाधन्त तान् देवा
इष्वा च वज्रेण चापानुदन्त यद्-वज्रिणीरुपदधातीष्वा चैव तद्-
वज्रेण च यजमानो भ्रातृव्यानप नुदते दिक्षूप – [] 9

TS 5.7.3.1 - Padam

इन्द्रस्य । वज्रः । असि । वार्त्रघ्न इति वार्त्र – घ्नः । तनूपा इति
तनू – पाः । नः । प्रतिस्पश इति प्रति – स्पशः ॥ यः । नः ।
पुरस्तात् । दक्षिणतः । पश्चात् । उत्तरत इत्युत् – तरतः ।

अ॒घायु॑रित्य॒घ – युः । अ॒भि॒दा॒स॒तीत्य॑भि – दा॒सति॑ । ए॒तम् । सः ।
अ॒श्मा॒नम् । ऋ॒च्छ॒तु ॥ दे॒वा॒सु॒रा इति॑ दे॒व – अ॒सु॒राः ।
सँ॒य॒त्ता इति॑ सं – य॒त्ताः । आ॒स॒न् । ते । अ॒सु॒राः । दिग्भ्य॑ इति॑
दिक्-भ्यः । एति॑ । अ॒बा॒ध॒न्त । तान् । दे॒वाः । इ॒ष्वा॑ । च । वज्र॑ण ।
च । अ॒पेति॑ । अ॒नु॒द॒न्त । यत् । वज्रि॑णीः । उ॒प॒द॒धा॒तीत्यु॑प-द॒धाति॑ ।
इ॒ष्वा॑ । च । ए॒व । तत् । वज्र॑ण । च । यज॑मानः । भ्रातृ॑व्यान् ।
अ॒पेति॑ । नु॒द॒ते । दि॒क्षु । उ॒पेति॑ । 9 (50)

TS 5.7.3.2

द॒धाति॑ दे॒वपु॒रा ए॒वैता॑स्त॒नूपानीः॑ पर्यू॒हते॑ ऽग्ना॒विष्णू॑ स॒जोष॑से॒मा
व॒र्ध॒न्तु वा॒गिरः॑ ।
द्यु॒म्नैर्वा॒जैर्भि॒रा ग॑तं ॥
ब्र॒ह्मवा॑दिनो॒ वद॑न्ति॒ यन्न॑ दे॒वता॑यै जु॒ह्वत्य॑थ किं दे॒वत्या॑
वसो॑र्ध॒रित्य॒ग्नि-र्वसु॑स्तस्यैषा धा॒रा विष्णु॑-र्वसु॑स्तस्यैषा धा॒रा॑
ऽऽग्ना॒वैष्ण॑व्यर्चा वसो॑र्ध॒रां जु॒होति॑ भा॒गधे॑ये॒नैवैनौ॑ स॒म॒र्ध॒यत्य॑थो
ए॒ता- [] 10

TS 5.7.3.2 - Padam

द॒धा॒ति॒ । दे॒व॒पु॒रा इति॑ दे॒व – पु॒राः । ए॒व । ए॒ताः । त॒नू॒पा॒नी॒रि॒ति॑
त॒नू – पा॒नीः॑ । प॒री॒ति॑ । ऊ॒ह॒ते॑ । अ॒ग्ना॒वि॒ष्णू इत्य॑ग्ना – वि॒ष्णू ।
स॒जोष॑सेति॑ स – जोष॑सा । इ॒माः । व॒र्ध॒न्तु॑ । वा॒म् । गि॒रः ॥
द्यु॒म्नैः॑ । वा॒जै॒भिः॑ । ए॒ति॑ । ग॒त॒म् ॥ ब्र॒ह्म॒वा॒दि॒न इति॑ ब्र॒ह्म – वा॒दि॒नः॑ ।
व॒द॒न्ति॑ । य॒त् । न । दे॒व॒ता॒यै॑ । जु॒ह॒ति॑ । अ॒थ । कि॒ं दे॒व॒त्ये॒ति॑
किं – दे॒व॒त्या॑ । व॒सोः॑ । धा॒रा॑ । इति॑ । अ॒ग्निः॑ । व॒सुः॑ । त॒स्य॑ ।
ए॒षा । धा॒रा॑ । वि॒ष्णुः॑ । व॒सुः॑ । त॒स्य॑ । ए॒षा । धा॒रा॑ ।
आ॒ग्ना॒वै॒ष्ण॒व्ये॒त्या॒ग्ना – वै॒ष्ण॒व्या॑ । ऋ॒चा । व॒सोः॑ । धा॒रा॒म् । जु॒हो॒ति॑ ।
भा॒ग॒धे॒ये॒ने॒ति॑ भा॒ग – धे॒ये॒न॑ । ए॒व । ए॒नौ॑ । स॒मि॒ति॑ । अ॒र्ध॒य॒ति॑ ।
अ॒थो इति॑ । ए॒ता॒म् । 10 (50)

TS 5.7.3.3

–मे॒वाहु॑ति॒मा॒य॒त॒न॒व॒तीं॑ क॒रो॒ति॑ य॒त्का॒म ए॒नां॑ जु॒हो॒ति॑ त॒दे॒वा॒व रु॒न्धे॑
रु॒द्रो वा ए॒ष य॒द॒ग्नि॒स्त॒स्यै॒ते त॒नु॒वौ॑ घो॒रा॒ऽन्या॑ शि॒वा॒ऽन्या॑
य॒च्छ॒त॒रु॒द्री॒यं जु॒हो॒ति॑ यै॒वा॒स्य॑ घो॒रा त॒नू॒स्तां॑ ते॒न श॒म॒य॒ति॑

यद्-वसो॑र्धा॒रां जु॒होति॑ यै॒वास्य॑ शि॒वा त॒नूस्तां॑ तेन॑ प्रीणाति॑
यो वै वसो॑र्धा॒रायै॑-[] 11

TS 5.7.3.3 - Padam

ए॒व । आ॒हु॒ति॒मि॒त्या - हु॒ति॒म् । आ॒य॒त॒न॒व॒ती॒मि॒त्या॒य॒त॒न - व॒ती॒म् ।
क॒रो॒ति । य॒त्का॒म इति॑ यत् - का॒मः । ए॒नाम् । जु॒होति॑ । तत् ।
ए॒व । अ॒वेति॑ । रु॒न्धे । रु॒द्रः । वै । ए॒षः । यत् । अ॒ग्निः । तस्य॑ ।
ए॒ते इति॑ । त॒नुवौ॑ । घो॒रा । अ॒न्या । शि॒वा । अ॒न्या । यत् ।
श॒त॒रु॒द्री॒य॒मि॒ति श॒त-रु॒द्री॒य॒म् । जु॒होति॑ । या । ए॒व । अ॒स्य । घो॒रा ।
त॒नूः । ता॒म् । तेन॑ । श॒म॒य॒ति । यत् । वसो॑ः । धा॒राम् । जु॒होति॑ ।
या । ए॒व । अ॒स्य । शि॒वा । त॒नूः । ता॒म् । तेन॑ । प्री॒णा॒ति । यः । वै ।
वसो॑ः । धा॒रायै॑ । 11 (50)

TS 5.7.3.4

प्र॒ति॒ष्ठां वे॒द प्र॒त्ये॒व ति॒ष्ठति॑ यदा॒ज्य॒मु॒च्छि॒ष्ये॒त तस्मिन्॑
ब्र॒ह्मौ॒दनं॑ प॒चेत् तं ब्रा॒ह्म॒णाश्च॒त्वारः॑ प्रा॒श्नी॒युरेष॑ वा
अ॒ग्निर्वै॑श्चा॒नरो॑ यद्ब्रा॒ह्म॒ण ए॒षा ख॒लु वा अ॒ग्नेः प्रि॒या

त॒नूर्यद्-वै॑श्वा॒नरः॑ प्रि॒याया॑मे॒वैनां॑ त॒नुवां॑ प्र॒ति॑ ष्ठा॒पय॑ति च॒तस्रो॑
धे॒नू॒र्दद्यात्॑ ताभि॒रेव॑ यज॒मानो॑ऽमु॒ष्मिन् लो॒केऽग्निं॑ दु॒हे ॥ 12

TS 5.7.3.4 - Padam

प्र॒ति॒ष्ठा॒मिति॑ प्र॒ति - स्था॑म् । वे॒द । प्र॒तीति॑ । ए॒व । ति॒ष्ठति॑ । यत् ।
आ॒ज्यम् । उ॒च्छि॒ष्येते॑त्युत् - शि॒ष्येत् । तस्मि॑न् ।
ब्र॒ह्मौ॒दन॑मिति॑ ब्र॒ह्म - ओ॒दनम् । प॒चेत् । तम् । ब्रा॒ह्म॒णाः । च॒त्वारः॑ ।
प्रेति॑ । अ॒श्नी॒युः । ए॒षः । वै । अ॒ग्निः । वै॒श्वा॒नरः॑ । यत् । ब्रा॒ह्म॒णः ।
ए॒षा । ख॒लु । वै । अ॒ग्नेः । प्रि॒या । त॒नूः । यत् । वै॒श्वा॒नरः॑ ।
प्रि॒याया॑म् । ए॒व । ए॒नाम् । त॒नुवा॑म् । प्र॒तीति॑ । स्था॒पय॑ति । च॒तस्रः॑ ।
धे॒नूः । द॒द्यात् । ताभिः॑ । ए॒व । यज॒मानः॑ । अ॒मुष्मि॑न् । लो॒के ।
अ॒ग्निम् । दु॒हे ॥ 12 (46)

(उ॒पै - तां - धा॒रायै॑ - षट्च॑त्वारि॒ंशच्च॑) (A3)

TS 5.7.4.1

चि॒त्तिं जु॒होमि॑ म॒नसा॑ घृ॒तेने॑त्याहा॒दाभ्या॑ वै ना॒मैषा॑ऽऽहु॒तिर्वै॑श्च॒कर्म॑णी
नैनं॑ चि॒क्या॒नं भ्रा॑तृ॒व्यो द॒भ्नो॑त्यथो दे॒वता॑ ए॒वाव॑ रु॒न्धे

ऽग्ने॑ तम॒द्येति॑ प॒ङ्क्त्या॑ जु॒होति॑ प॒ङ्क्त्या॑ऽऽहु॒त्या य॒ज्ञमु॒खमा॑ र॒भते॑
स॒प्त ते॑ अ॒ग्ने स॒मिधः॑ स॒प्तजि॒ह्वा इत्या॑ह॒ होत्रा॑ ए॒वाव॑ रु॒न्धे
ऽग्नि॑र्दे॒वेभ्यो॑ऽपा॒क्रामद्-भा॒गधेय॑-[] 13

TS 5.7.4.1 - Padam

चि॒त्तिम्॑ । जु॒हो॒मि । म॒नसा॑ । घृ॒तेन॑ । इति॑ । आ॒ह । अ॒दाभ्या॑ । वै ।
नाम॑ । ए॒षा । आ॒हुति॑रि॒त्या-हु॒तिः । वै॒श्वक॑र्म॒णीति॑ वै॒श्व - क॑र्म॒णी ।
न । ए॒नम् । चि॒क्या॒नम् । भ्रातृ॑व्यः । द॒भ्नोति॑ । अथो॑ इति॑ । दे॒वताः॑ ।
ए॒व । अ॒वेति॑ । रु॒न्धे । अ॒ग्ने । तम् । अ॒द्य । इति॑ । प॒ङ्क्त्या॑ ।
जु॒होति॑ । प॒ङ्क्त्या॑ । आ॒हुत्ये॑त्या - हु॒त्या । य॒ज्ञमु॒खमि॑ति
य॒ज्ञ - मु॒खम् । एति॑ । र॒भते॑ । स॒प्त । ते । अ॒ग्ने । स॒मिध॑ इति॑
सं - इ॒धः । स॒प्त । जि॒ह्वाः । इति॑ । आ॒ह । हो॒त्राः । ए॒व । अ॒वेति॑ ।
रु॒न्धे । अ॒ग्निः । दे॒वेभ्यः॑ । अ॒पेति॑ । अ॒क्राम॑त् ।
भा॒गधे॑यमि॒ति भा॒ग - धे॒यम् । 13 (50)

TS 5.7.4.2

–मि॒च्छ॒मा॒नस्तस्मा॑ ए॒तद्–भा॒ग॒धे॒यं प्रा॒यच्छ॑न्ने॒तद्वा
अ॒ग्ने॒र॒ग्नि॒हो॒त्रमे॒तर्.हि॒ खलु॑ वा ए॒ष जा॒तो यर्.हि॒ सर्व॑श्चि॒तो
जा॒तायै॒वास्मा॑ अ॒न्नम॑पि दधा॒ति स ए॒नं प्री॑तः प्री॒णाति॒ वसी॑यान्
भव॑ति ब्र॒ह्मवा॒दिनो॑ वद॒न्ति य॒देष॑ गा॒र्.ह॒पत्य॑श्ची॒यतेऽथ
॥
क्वा॒स्याऽऽह॒वनी॒य इत्य॑सा॒वादित्य॑ इति॒ ब्रू॒यादे॒तस्मिन्.
हि सर्वा॑भ्यो दे॒वता॑भ्यो जुह॒ति – [] 14

TS 5.7.4.2 - Padam

इ॒च्छ॒मा॒नः । तस्मै॑ । ए॒तत् । भा॒ग॒धे॒यमि॒ति भा॒ग – धे॒यम् । प्रे॒ति ।
अ॒यच्छ॑न् । ए॒तत् । वै । अ॒ग्नेः । अ॒ग्नि॒हो॒त्रमि॒त्यग्नि॑ – हो॒त्रम् ।
ए॒तर्.हि॑ । खलु॑ । वै । ए॒षः । जा॒तः । यर्.हि॑ । सर्वः॑ । चि॒तः ।
जा॒ताय॑ । ए॒व । अ॒स्मै । अ॒न्नम् । अ॒पीति॑ । द॒धा॒ति । सः । ए॒नम् ।
प्री॒तः । प्री॒णाति॑ । वसी॑यान् । भव॑ति । ब्र॒ह्मवा॒दिन॑ इति॒
ब्र॒ह्म–वा॒दिनः॑ । वद॒न्ति । यत् । ए॒षः । गा॒र्.ह॒पत्य॑ इति॒ गा॒र्.ह॑–प॒त्यः ।
ची॒यते॑ । अथ॑ । क्व । अ॒स्य । आ॒ह॒वनी॒य इत्या॑ – ह॒वनी॒यः । इति॑ ।

असौ । आ॒दि॒त्यः । इति । ब्रू॒यात् । ए॒तस्मिन् । हि । सर्वा॑भ्यः ।

दे॒वता॑भ्यः । जुह्व॑ति । 14 (50)

TS 5.7.4.3

य ए॒वं वि॒द्वान॒ग्निं चि॒नुते॑ सा॒क्षादे॒व दे॒वता॑ ऋ॒द्ध्नो॒त्यग्ने॑

यश॑स्विन् यश॑से म॒मर्प॑येन्द्रा॒वती॑ म॒पचि॑ती मि॒हाऽव॑ह ।

अयं॑ मू॒र्धा पर॑मे॒ष्ठी सु॒वर्चाः॑ स॒माना॑नामु॒त्तम॑ श्लो॒को अ॒स्तु ॥

भ॒द्रं पश्य॑न्त॒ उप॑ से॒दुर॒ग्रे तपो॑ दी॒क्षामृ॑षयः सु॒वर्वि॑दः ।

ततः॑ क्ष॒त्रं ब॒लमो॑जश्च जा॒तं तद॒स्मै दे॒वा अ॒भि सं न॑मन्तु ॥

धा॒ता वि॒धाता॑ पर॒मो- [] 15

TS 5.7.4.3 - Padam

यः । ए॒वम् । वि॒द्वान् । अ॒ग्निम् । चि॒नुते॑ । सा॒क्षादि॑ति स – अ॒क्षात् ।

ए॒व । दे॒वताः॑ । ऋ॒द्ध्नो॒ति । अ॒ग्ने । य॒शस्वि॑न् । यश॑सा । इ॒मम् ।

अ॒र्पय॑ । इन्द्रा॑वतीमितीन्द्र – व॒तीम् । अ॒पचि॑तीमित्य॒प – चि॒तीम् ।

इ॒ह । ए॒ति । व॒ह ॥ अ॒यम् । मू॒र्धा । पर॑मे॒ष्ठी । सु॒वर्चा॑ इति

सु – वर्चाः॑ । स॒माना॑नाम् । उ॒त्तम॑श्लो॒क इत्यु॑त्तम – श्लो॒कः ।

अ॒स्तु ॥ भ॒द्रम् । प॒श्यन्तः॑ । उ॒पेति॑ । से॒दुः । अ॒ग्रे । तपः॑ ।
दी॒क्षाम् । ऋ॒षयः॑ । सु॒वर्वि॒द इति॑ सु॒वः – वि॒दः ॥ ततः॑ । क्ष॒त्रम् ।
ब॒लम् । ओजः॑ । च । जा॒तम् । तत् । अ॒स्मै । दे॒वाः । अ॒भि ।
स॒मिति॑ । न॒मन्तु ॥ धा॒ता । वि॒धातेति॑ वि – धा॒ता । प॒रमा । 15 (50)

TS 5.7.4.4

–त स॒न्दृक् प्र॒जाप॑तिः प॒रमे॒ष्ठी वि॒राजा॑ ॥
स्तो॒माः छ॒न्दाँ॒सि नि॒विदो॑ म आ॒हुरे॒तस्मै॑ रा॒ष्ट्रम॒भि सं न॑माम ॥
अ॒भ्याव॑र्त॒दध्व॒मुप॒ मेत॑ सा॒कम॒यँ शा॒स्ताऽधि॑पति॒र्वो अ॒स्तु ।
अ॒स्य वि॒ज्ञान॒मनु॒ सँ र॑भ॒दध्व॒मिमं॑ प॒श्चादनु॑ जी॒वाथ॒ सर्वे॑ ॥
रा॒ष्ट्रभृ॑त ए॒ता उप॑ दधा॒त्येषा॑ वा अ॒ग्नेश्चि॑ती रा॒ष्ट्रभृ॑त् तयै॒वास्मिन्॑ रा॒ष्ट्रं
दधा॑ति () रा॒ष्ट्रमे॒व भ॑वति ना॒स्माद् रा॒ष्ट्रं भ्रँ॑शते ॥ 16

TS 5.7.4.4 - Padam

उत । सं॒दृगि॑ति सं – दृक् । प्र॒जाप॑तिरिति प्र॒जा – प॒तिः । प॒रमे॒ष्ठी ।
वि॒राजे॑ति वि – राजा ॥ स्तो॒माः । छ॒न्दाँ॒सि । नि॒विद॒ इति॑
नि – वि॒दः । मे । आ॒हुः । ए॒तस्मै॑ । रा॒ष्ट्रम् । अ॒भि । स॒मिति॑ ।

न॒मा॒म॒ ॥ अ॒भ्या॒व॒र्त॒द्ध्व॒मि॒त्य॒भि॒ – आ॒व॒र्त॒द्ध्व॒म् । उ॒पे॒ति॒ । मा॒ ।
ए॒ति॒ । इ॒त॒ । सा॒क॒म् । अ॒य॒म् । शा॒स्ता॒ । अ॒धि॒प॒ति॒रि॒त्य॒धि॒ – प॒तिः॒ ।
वः॒ । अ॒स्तु॒ ॥ अ॒स्य॒ । वि॒ज्ञा॒न॒मि॒ति॒ वि॒ – ज्ञा॒न॒म् । अ॒नु॒ । स॒मि॒ति॒ ।
र॒भ॒द्ध्व॒म् । इ॒म॒म् । प॒श्चा॒त् । अ॒न्वि॒ति॒ । जी॒वा॒थ॒ । स॒र्वे॒ ॥
रा॒ष्ट्र॒भृ॒त॒ इ॒ति॒ रा॒ष्ट्र॒ – भृ॒तः॒ । ए॒ताः॒ । उ॒पे॒ति॒ । द॒धा॒ति॒ । ए॒षा॒ । वै॒ ।
अ॒ग्नेः॒ । चि॒तिः॒ । रा॒ष्ट्र॒भृ॒दि॒ति॒ रा॒ष्ट्र॒ – भृ॒त् । तया॑ । ए॒व॒ । अ॒स्मि॒न् ।
रा॒ष्ट्र॒म् । द॒धा॒ति॒ () । रा॒ष्ट्र॒म् । ए॒व॒ । भ॒व॒ति॒ । न॒ । अ॒स्मा॒त् । रा॒ष्ट्र॒म् ।

भ्र॒ञ्श॒ते ॥ 16 (57)

(भा॒ग॒धे॒यं – जु॒ह्व॒ति॒ – प॒र॒मा – रा॒ष्ट्रं॑ द॒धा॒ति॒ – स॒प्त॒ च) (A4)

TS 5.7.5.1

य॒था॒ वै पु॒त्रो जा॒तो म्रि॒यत॑ ए॒वं वा॑ ए॒ष म्रि॒यते॑ य॒स्याग्नि॒रु॒ख्य॑
उ॒द्वा॒य॒ति॒ यन्नि॒र्म॒न्थ्यं॑ कु॒र्याद्-वि॒च्छि॒न्धाद्-भ्रा॒तृ॒व्य॒म॒स्मै॒ ज॒न॒ये॒थ् स॒
ए॒व पु॒नः प॒री॒द्ध्यः॒ स्वा॒दे॒वैनं॑ यो॒नैर्ज॑नयति॒ ना॒स्मै॒ भ्रा॒तृ॒व्यं॑ ज॒न॒य॒ति॒
त॒मो वा॑ ए॒तं गृ॑ह्णाति॒ य॒स्याग्नि॒रु॒ख्य॑ उ॒द्वा॒य॒ति॒ मृ॒त्यु॒स्त॒मः॑ कृ॒ष्णं॑
वा॒सः कृ॒ष्णा धे॒नु॒र्दक्षि॑णा॒ त॒म॒सै- [] 17

TS 5.7.5.1 - Padam

यथा॑ । वै । पु॒त्रः । जा॒तः । म्रि॒यते॑ । ए॒वम् । वै । ए॒षः । म्रि॒यते॑ ।
यस्य॑ । अ॒ग्निः । उ॒ख्यः । उ॒द्वाय॑ती॒युत् – वा॒यति॑ । यत् ।
नि॒र्मन्थ्य॑मि॒ति निः – म॒न्थ्यम् । कु॒र्यात् । वी॒ति । छि॒न्द्यात् ।
भ्रातृ॑व्यम् । अ॒स्मै । ज॒नये॑त् । सः । ए॒व । पु॒नः । प॒रीद्ध्य॑ इति॑
प॒रि-इ॑द्ध्यः । स्वा॒त् । ए॒व । ए॒नम् । यो॒नैः । ज॒नय॑ति । न । अ॒स्मै ।
भ्रातृ॑व्यम् । ज॒नय॑ति । त॒मः । वै । ए॒तम् । गृ॒ह्णाति॑ । यस्य॑ । अ॒ग्निः ।
उ॒ख्यः । उ॒द्वाय॑ती॒त्युत् – वा॒यति॑ । मृ॒त्युः । त॒मः । कृ॒ष्णम् । वा॒सः ।
कृ॒ष्णा । धे॒नुः । दक्षि॑णा । त॒मसा॑ । 17 (50)

TS 5.7.5.2

-व त॒मो मृ॒त्युम॑प॒ हते॑ हिर॒ण्यं द॑दाति॒ ज्योति॑र्वै हिर॒ण्यं ज्योति॑षै॒व
त॒मोऽप॑ ह॒तेऽथो॑ ते॒जो वै हिर॑ण्यं ते॒ज ए॒वाऽऽ*त्म॑न् ध॒त्ते सु॒वर्नं
घ॒र्मः स्वा॒हा सु॒वर्ना॑ऽर्कः स्वा॒हा सु॒वर्नं शु॒क्रः स्वा॒हा सु॒वर्नं ज्योतिः॑
स्वा॒हा सु॒वर्नं सूर्यः॑ स्वा॒हा ऽर्को॑ वा ए॒ष य॒द॒ग्निर॒सावा॑दि॒त्यो- [] 18

TS 5.7.5.2 - Padam

ए॒व । त॒मः । मृ॒त्यु॒म् । अ॒पे॒ति॒ । ह॒ते॒ । हि॒र॒ण्य॒म् । द॒दा॒ति॒ । ज्यो॒तिः॑ ।
वै । हि॒र॒ण्य॒म् । ज्यो॒ति॒षा॑ । ए॒व । त॒मः । अ॒पे॒ति॒ । ह॒ते॒ । अ॒थो॒ इति॑ ।
ते॒जः॑ । वै । हि॒र॒ण्य॒म् । ते॒जः॑ । ए॒व । आ॒त्म॒न् । ध॒त्ते॒ । सु॒वः॑ । न ।
घ॒र्मः॑ । स्वा॒हा॑ । सु॒वः॑ । न । अ॒र्कः॑ । स्वा॒हा॑ । सु॒वः॑ । न । शु॒क्रः॑ ।
स्वा॒हा॑ । सु॒वः॑ । न । ज्यो॒तिः॑ । स्वा॒हा॑ । सु॒वः॑ । न । सूर्यः॑ । स्वा॒हा॑ ।

अ॒र्कः॑ । वै । ए॒षः॑ । य॒त् । अ॒ग्निः॑ । अ॒सौ । आ॒दि॒त्यः॑ । 18 (50)

TS 5.7.5.3

ऽश्व॑मे॒धो य॒दे॒ता आ॒हु॒ती॒ जु॒हो॒त्य॒र्का॑-श्व॑मे॒धयो॒रे॒व ज्यो॒ती॒ष्णि॑
सं द॒धा॒त्येष॑ ह॒ त्वा अ॒र्का॑श्व॑मे॒धी य॒स्यै॒तद॒ग्नौ॑ क्रि॒यत॑
आ॒पो वा॒ इ॒दम॒ग्रे स॒लि॒लमा॒सी॒त् स ए॒तां प्र॒जा॒प॒तिः॑ प्र॒थ॒मां
चि॒ति॒मप॑श्यत् तामु॒पा॒धत्त॑ तदि॒यम॑भवत् तं वि॒श्वक॑र्माऽब्रवी॒दुप॑
त्वाऽऽया॒नी॒ति॒ ने॒ह लो॒को॒ऽस्ती॒त्य- [] 19

TS 5.7.5.3 - Padam

अ॒श्वमे॒ध इ॒त्य॒श्व – मे॒धः । यत् । ए॒ताः । आ॒हु॒ती॒रित्या – हु॒तीः ।
जु॒होति॑ । अ॒र्का॒श्वमे॒धयो॒रित्य॑र्क – अ॒श्वमे॒धयोः॑ । ए॒व । ज्योती॑र्षि ।
समि॑ति । द॒धाति॑ । ए॒षः । ह । तु । वै । अ॒र्का॒श्वमे॒धीत्य॑र्क – अ॒श्वमे॒धी ।
यस्य॑ । ए॒तत् । अ॒ग्नौ । क्रि॒यते॑ । आ॒पः । वै । इ॒दम् । अ॒ग्रे ।
स॒लि॒लम् । आ॒सीत् । सः । ए॒ताम् । प्र॒जाप॑तिरि॒ति प्र॒जा – प॒तिः ।
प्र॒थ॒मा॒म् । चि॒तिम् । अ॒प॒श्यत् । ताम् । उ॒पेति॑ । अ॒ध॒त्त । तत् । इ॒यम् ।
अ॒भ॒वत् । तम् । वि॒श्वक॑र्मेति वि॒श्व – क॒र्मा । अ॒ब्रवी॑त् । उ॒पेति॑ । त्वा ।
ए॒ति । अ॒या॒नि । इ॒ति । न । इ॒ह । लो॒कः । अ॒स्ति । इ॒ति । 19 (50)

TS 5.7.5.4

–ब्रवी॑त् स ए॒तां द्वि॒तीयां॑ चि॒तिम॑प॒श्यत् तामु॑पा॒धत्त॑ तद॒न्तरि॑क्षम॒भव॑त्
स य॒ज्ञः प्र॒जाप॑तिम॒ब्रवी॑दुप॒ त्वाऽऽया॑नीति॒ नेह॑ लो॒कोऽस्ती॑त्य॒ब्रवी॑त्
स वि॒श्वक॑र्माणम॒ब्रवी॑दुप॒ त्वाऽऽया॑नीति॒ केन॑ मो॒पैष्य॑सीति॒
दि॒श्याभि॑रि॒त्य॒ब्रवी॑त् तं दि॒श्याभि॑रु॒पैत् ता उ॑पा॒धत्त॑ ता दि॒शो – [] 20

TS 5.7.5.4 - Padam

अ॒ब्रवी॑त् । सः । ए॒ताम् । द्वि॒तीया॑म् । चि॒तिम् । अ॒पश्य॑त् । ता॒म् ।
उ॒पेति॑ । अ॒धत्त॑ । तत् । अ॒न्तरि॑क्षम् । अ॒भव॑त् । सः । य॒ज्ञः ।
प्र॒जाप॑तिमि॒ति प्र॒जा – प॒तिम् । अ॒ब्रवी॑त् । उ॒पेति॑ । त्वा । ए॒ति ।
अ॒या॒नि । इ॒ति । न । इ॒ह । लो॒कः । अ॒स्ति । इ॒ति । अ॒ब्रवी॑त् । सः ।
वि॒श्वक॑र्माणमि॒ति वि॒श्व-क॑र्माणम् । अ॒ब्रवी॑त् । उ॒पेति॑ । त्वा । ए॒ति ।
अ॒या॒नि । इ॒ति । के॒न । मा । उ॒पैष्य॑सीत्यु॒प – ऐ॒ष्यसि॑ । इ॒ति ।
दि॒श्याभिः॑ । इ॒ति । अ॒ब्रवी॑त् । तम् । दि॒श्याभिः॑ । उ॒पैदि॑त्यु॒प – ऐ॒त् ।
ताः । उ॒पेति॑ । अ॒धत्त॑ । ताः । दि॒शः । 20 (50)

TS 5.7.5.5

ऽभ॒वन्थ् स॑ प॒रमे॑ष्ठी प्र॒जाप॑तिम॒ब्रवी॑दु॒प त्वाऽऽ*या॑नीति॒ नेह॑
लो॒कोऽस्ती॑त्य॒ब्रवी॑त् स॒ वि॒श्वक॑र्माणं च॒ य॒ज्ञं चा॒ब्रवी॑दु॒प वा॒मा
ऽया॑नीति॒ नेह॑ लो॒कोऽस्ती॑त्य॒ब्रूता॑ꣳ स॒ ए॒तां तृ॑तीयां चि॒तिम॑पश्यत्
तामु॒पाध॑त्त॒ तद॑साव॒भव॑त् स॒ आ॒दि॒त्यः प्र॒जाप॑ति-
म॒ब्रवी॑दु॒प त्वा- [] 21

TS 5.7.5.5 - Padam

अ॒भ॒व॒न् । सः । प॒र॒मे॒ष्ठी । प्र॒जा॒प॒ति॒मि॒ति॒ प्र॒जा-प॒ति॒म् । अ॒ब्र॒वी॒त् ।
उ॒पे॒ति॒ । त्वा । ए॒ति॒ । अ॒या॒नि॒ । इ॒ति॒ । न । इ॒ह । लो॒कः । अ॒स्ति॒ ।
इ॒ति॒ । अ॒ब्र॒वी॒त् । सः । वि॒श्व॒क॒र्मा॒ण॒मि॒ति॒ वि॒श्व - क॒र्मा॒ण॒म् । च ।
य॒ज्ञ॒म् । च । अ॒ब्र॒वी॒त् । उ॒पे॒ति॒ । वा॒म् । ए॒ति॒ । अ॒या॒नि॒ । इ॒ति॒ । न ।
इ॒ह । लो॒कः । अ॒स्ति॒ । इ॒ति॒ । अ॒ब्रू॒ता॒म् । सः । ए॒ता॒म् । तृ॒तीया॒म् ।
चि॒ति॒म् । अ॒प॒श्य॒त् । ता॒म् । उ॒पे॒ति॒ । अ॒ध॒त्त॒ । तत् । अ॒सौ ।
अ॒भ॒व॒त् । सः । आ॒दि॒त्यः । प्र॒जा॒प॒ति॒मि॒ति॒ प्र॒जा-प॒ति॒म् । अ॒ब्र॒वी॒त् ।
उ॒पे॒ति॒ । त्वा । 21 (50)

TS 5.7.5.6

ऽऽया॒नी॒ति॒ ने॒ह लो॒कोऽस्ती॒त्य॒ब्र॒वी॒त् स वि॒श्व॒क॒र्मा॒णं च य॒ज्ञं
चा॒ब्र॒वी॒दुप॒ वा॒माऽया॒नी॒ति॒ ने॒ह लो॒कोऽस्ती॒त्य॒ब्रू॒ता॒म् स
प॒र॒मे॒ष्ठि॒न॒म॒ब्र॒वी॒दुप॒ त्वाऽऽया॒नी॒ति॒ के॒न मो॒पै॒ष्य॒सी॒ति॒ लो॒कं
पृ॒ण॒ये॒त्य॒ब्र॒वी॒त् तं लो॒कं पृ॒ण॒यो॒पै॒त् तस्मा॒द॒या॒त॒या॒म्नी लो॒कं
पृ॒णा॒ऽया॒त॒या॒मा ह्य॒सा- [] 22

TS 5.7.5.6 - Padam

ए॒ति । अ॒या॒नि । इ॒ति । न । इ॒ह । लो॒कः । अ॒स्ति । इ॒ति । अ॒ब्र॒वीत् ।
सः । वि॒श्व॒क॒र्मा॒ण॒मि॒ति॒ वि॒श्व - क॒र्मा॒ण॒म् । च । य॒ज्ञ॒म् । च ।
अ॒ब्र॒वीत् । उ॒पे॒ति॒ । वा॒म् । ए॒ति॒ । अ॒या॒नि । इ॒ति॒ । न । इ॒ह ।
लो॒कः । अ॒स्ति । इ॒ति॒ । अ॒ब्रू॒ता॒म् । सः । प॒र॒मे॒ष्ठि॒न॒म् । अ॒ब्र॒वीत् ।
उ॒पे॒ति॒ । त्वा । ए॒ति॒ । अ॒या॒नि । इ॒ति॒ । के॒न । मा ।
उ॒पै॒ष्य॒सी॒त्यु॒प - ऐ॒ष्य॒सि॒ । इ॒ति॒ । लो॒कं॒पृ॒ण॒ये॒ति॒ लो॒कं - पृ॒ण॒या॒ ॥
इ॒ति॒ । अ॒ब्र॒वीत् । त॒म् । लो॒कं॒पृ॒ण॒ये॒ति॒ लो॒कं - पृ॒ण॒या॒ ॥
उ॒पै॒दि॒त्यु॒प - ऐ॒त् । त॒स्मा॒त् । अ॒या॒त॒या॒म्नी॒त्य॒या॒त - या॒म्नी॒ ।
लो॒कं॒पृ॒णे॒ति॒ लो॒कं - पृ॒णा॒ । अ॒या॒त॒या॒मे॒त्य॒या॒त - या॒मा॒ । हि॒ ।

अ॒सौ । 22 (50)

TS 5.7.5.7

-वा॒दि॒त्य॒स्तानृ॒ष॒यो ऽब्रु॒वन्नु॒प॒ व आ॒ऽया॒मे॒ति॒ के॒न न उ॒पै॒ष्य॒थे॒ति॒
भू॒म्ने॒त्य॒ब्रु॒वन् तान् द्वा॒भ्यां चि॒ती॒भ्या॒मु॒पा॒य॒न्थ् स प॒ञ्च॒चि॒ती॒कः
स॒म॒प॒द्य॒त॒ य ए॒वं वि॒द्वान॒ग्निं चि॒नु॒ते भू॒या॒ने॒व भ॒व॒त्य॒भी॒मान्

लो॒काञ्ज॑यति वि॒दुरे॑न दे॒वा अथो॑ ए॒तासा॑मे॒व दे॒वता॑ना॒ञ्
सायु॑ज्यं गच्छति ॥ 23

TS 5.7.5.7 - Padam

आ॒दि॒त्यः । तान् । ऋ॒षयः॑ । अ॒ब्रु॒वन् । उ॒पेति॑ । वः । ए॒ति । अ॒याम् ।
इति॑ । के॒न । नः । उ॒पैष्य॑थेत्युप – ऐ॒ष्यथ॑ । इति॑ । भू॒म्ना । इति॑ ।
अ॒ब्रु॒वन् । तान् । द्वा॒भ्याम् । चि॒ती॒भ्यामि॑ति चि॒ति – भ्याम् ।
उ॒पाय॑न्नित्युप – आ॒यन् । सः । पञ्च॑चि॒तीक॑ इति॑ पञ्च॑-चि॒तीकः॑ ।
समि॑ति । अ॒प॒द्यत॑ । यः । ए॒वम् । वि॒द्वान् । अ॒ग्निम् । चि॒नुते॑ ।
भू॒यान् । ए॒व । भ॒वति॑ । अ॒भीति॑ । इ॒मान् । लो॒कान् । ज॒यति॑ ।
वि॒दुः । ए॒नम् । दे॒वाः । अथो॑ इति॑ । ए॒तासा॑म् । ए॒व । दे॒वता॑नाम् ।
सायु॑ज्यम् । गच्छति ॥ 23 (45)

(तम॑सा – ऽऽदि॒त्यो – ऽस्तीति॑ – दि॒श – आ॒दि॒त्यः

प्र॒जाप॑तिमब्रवीदुप॑ त्वा – ऽसौ – पञ्च॑चत्वारि॒ंशच्च॑) (A5)

TS 5.7.6.1

वयो वा अ॒ग्निर्यद॑ग्नि॒चित् प॒क्षिणो॑ऽऽ॒शनी॒यात् तमे॒वाग्नि॑म॒द्यादा॑-
ति॒माच्छे॑त् सँव॒थ्सरं॑ व्र॒तं च॑रेत् सँव॒थ्सर॑ हि व्र॒तं नाति॑ प॒शुर्वा
एष॒ यद॒ग्निर्हि॒नस्ति॒ खलु॒ वै तं प॒शुर्य॑ ए॒नं पु॒रस्ता॑त् प्र॒त्यञ्च॑मु॒पच॑रति
तस्मा॑त् प॒श्चात् प्रा॒डुप॑चर्य॒ आत्म॑नोऽहि॒सायै॑ तेजोऽ॒सि तेजो॑ मे
यच्छ॑ पृथि॒वीं यच्छ॑ -[] 24

TS 5.7.6.1 - Padam

वयः॑ । वै । अ॒ग्निः । यत् । अ॒ग्नि॒चिदि॑त्य॒ग्नि - चि॒त् । प॒क्षिणः॑ ।
अ॒शनी॒यात् । तम् । ए॒व । अ॒ग्निम् । अ॒द्यात् । आ॒र्तिम् । ए॒ति ।
ऋ॒च्छेत् । सँव॒थ्सर॑मि॒ति सं - व॒थ्सर॑म् । व्र॒तम् । च॑रेत् ।
सँव॒थ्सर॑मि॒ति सं - व॒थ्सर॑म् । हि । व्र॒तम् । न । अ॒तीति॑ ।
प॒शुः । वै । ए॒षः । यत् । अ॒ग्निः । हि॒नस्ति॒ । खलु॒ । वै । तम् ।
प॒शुः । यः । ए॒नम् । पु॒रस्ता॑त् । प्र॒त्यञ्च॑म् ।
उ॒पच॑रतीत्यु॒प - च॑रति । तस्मा॑त् । प॒श्चात् । प्रा॒ड् ।

उप॒चर्य॑ इत्युप – चर्यः । आ॒त्मनः॑ । अहि॑सायै । तेजः । अ॒सि ।
तेजः । मे । य॒च्छ । पृ॒थि॒वीम् । य॒च्छ । 24 (50)

TS 5.7.6.2

पृ॒थि॒व्यै मा पा॒हि ज्योति॑रसि ज्योति॑र्मे य॒च्छान्तरि॑क्षं य॒च्छान्तरि॑क्षान्मा
पा॒हि सुव॑रसि सुव॑र्मे य॒च्छ दि॒वं य॒च्छ दि॒वो मा पा॒हीत्या॑हैताभि॒र्वा
इ॒मे लो॒का वि॒धृता॑ यदे॒ता उप॒दधा॑त्येषां लो॒कानां॑ वि॒धृत्यै॑
स्वय॑मातृ॒ण्णा उप॒धाय॑ हि॒रण्येष्ट॑का उप॒दधा॑तीमे वै लो॒काः
स्वय॑मातृ॒ण्णा ज्योति॑र्हि॒रण्यं य॒थ् स्वय॑मातृ॒ण्णा उप॒धाय॑ – [] 25

TS 5.7.6.2 - Padam

पृ॒थि॒व्यै । मा । पा॒हि । ज्योतिः॑ । अ॒सि । ज्योतिः॑ । मे । य॒च्छ ।
अ॒न्तरि॑क्षम् । य॒च्छ । अ॒न्तरि॑क्षात् । मा । पा॒हि । सुवः॑ । अ॒सि ।
सुवः॑ । मे । य॒च्छ । दि॒वम् । य॒च्छ । दि॒वः । मा । पा॒हि । इति॑ ।
आ॒ह । ए॒ताभिः॑ । वै । इ॒मे । लो॒काः । वि॒धृता॑ इति॑ वि – धृ॒ताः ।
यत् । ए॒ताः । उप॒दधा॑तीत्युप – दधा॑ति । ए॒षाम् । लो॒काना॑म् ।
वि॒धृत्या॑ इति॑ वि – धृ॒त्यै । स्वय॑मातृ॒ण्णा इति॑ स्वयं – आ॒तृ॒ण्णाः ।

पद पाठे (वाक्य सहित) – पञ्चमकाण्डे – सप्तमः प्रश्नः

उप॒धा॒येत्यु॒प – धा॒य । हि॒र॒ण्ये॒ष्ट॒का इति॑ हि॒र॒ण्य – इ॒ष्ट॒काः । उपेति॑ ।

द॒धा॒ति । इ॒मे । वै । लो॒काः । स्व॒य॒मा॒तृ॒ण्णा इति॑ स्व॒यं – आ॒तृ॒ण्णाः ।

ज्योतिः॑ । हि॒र॒ण्य॒म् । यत् । स्व॒य॒मा॒तृ॒ण्णा इति॑ स्व॒यं – आ॒तृ॒ण्णाः ।

उप॒धा॒येत्यु॒प – धा॒य । 25 (50)

TS 5.7.6.3

हि॒र॒ण्ये॒ष्ट॒का उप॒द॒धा॒ती – मा॒ने॒वै॒ता॒भि – लो॒का – ज्योति॑ष्म॒तः कुरु॑तेऽथो

ए॒ता॒भि॒रे॒वा॒स्मा इ॒मे लो॒काः प्र भा॑न्ति॒ यास्ते॑ अ॒ग्ने सूर्ये॑ रुच॑ उ॒द्य॒तो

दि॒व॒मा॒त॒न्व॒न्ति र॒श्मि॒भिः ।

ता॒भिः सर्वा॑भी रु॒चे ज॒नाय॑ नस्कृ॒धि ॥

या वो॑ दे॒वाः सूर्ये॑ रु॒चो गो॒ष्वश्वे॑षु॒ या रुचः॑ ।

इन्द्रा॑ग्नी॒ ता॒भिः सर्वा॑भी रुचं॑ नो ध॒त्त बृ॒ह॒स्प॒ते ॥

रुच॑न्नो धेहि – [] 26

TS 5.7.6.3 - Padam

हि॒र॒ण्ये॒ष्ट॒का इति॑ हि॒र॒ण्य – इ॒ष्ट॒काः । उप॒द॒धा॒तीत्यु॒प – द॒धा॒ति ।

इ॒मा॒न् । ए॒व । ए॒ता॒भिः । लो॒का॒न् । ज्योति॑ष्म॒तः । कु॒रु॒ते ।

अथो॑ इति॑ । ए॒ताभिः॑ । ए॒व । अ॒स्मै । इ॒मे । लो॒काः । प्रेति॑ ।
भा॒न्ति । याः । ते । अ॒ग्ने । सूर्ये॑ । रुचः॑ । उ॒द्यत॑ इत्युत् – यतः॑ ।
दि॒वम् । आ॒तन्व॑न्तीत्या॑ – तन्व॑न्ति । र॒श्मिभि॑रिति॑ र॒श्मि – भिः॑ ॥
ताभिः॑ । सर्वा॑भिः । रु॒चे । जना॑य । नः । कृ॒धि ॥ याः । वः ।
दे॒वाः । सूर्ये॑ । रुचः॑ । गोषु॑ । अश्वेषु॑ । याः । रुचः॑ ॥ इन्द्रा॑ग्नी
इतीन्द्र॑-अ॒ग्नी । ताभिः॑ । सर्वा॑भिः । रुच॑म् । नः । ध॒त्त । बृ॒हस्प॑ते ॥
रुच॑म् । नः । धे॒हि । 26 (50)

TS 5.7.6.4

ब्रा॒ह्म॒णेषु॑ रुच॑ꣳ राज॑सु नस्कृ॑धि ।
रुचं॑ वि॒श्येषु॑ शू॒द्रेषु॑ मयि॑ धेहि॑ रु॒चा रुचं॑ ॥
द्वेधा॑ वा अ॒ग्निं चि॒क्या॒नस्य॑ यश॑ इन्द्रि॒यं ग॑च्छत्य॒ग्निं
वा चि॒तमी॑जा॒नं वा॑ यदे॒ता आ॑हुतीर्जु॒होत्या॑त्म॒न्नेव॑ यश॑ इन्द्रि॒यं ध॑त्त
ईश्व॑रो वा ए॒ष आ॒र्तिमा॒र्तो॒र्योऽग्निं॑ चि॒न्वन्न॑धि॒ क्राम॑ति॒ तत्त्वा॑ यामि॒
ब्र॒ह्म॒णा व॑न्द॒मान॑ इति॑ वा॒रु॒ण्यर्चा॑- [] 27

TS 5.7.6.4 - Padam

ब्रा॒ह्म॒णेषु॑ । रुच॑म् । राज॑स्वि॒ति राज॑ – सु॒ । नः॑ । कृ॒धि ॥ रुच॑म् ।
वि॒श्ये॑षु । शू॒द्रेषु॑ । मयि॑ । धे॒हि । रु॒चा । रुच॑म् ॥ द्वे॒धा । वै ।
अ॒ग्निम् । चि॒क्या॒नस्य॑ । यशः॑ । इ॒न्द्रि॒यम् । ग॒च्छ॒ति । अ॒ग्निम् । वा ।
चि॒तम् । ई॒जा॒नम् । वा । यत् । ए॒ताः । आ॒हु॒ती॒रित्या॑ – हु॒तीः ।
जु॒होति॑ । आ॒त्मन् । ए॒व । यशः॑ । इ॒न्द्रि॒यम् । ध॒त्ते । ई॒श्वरः॑ । वै ।
ए॒षः । आ॒र्तिम् । आ॒र्तो॒रित्या॑ – अ॒र्तोः॑ । यः । अ॒ग्निम् । चि॒न्वन् ।
अ॒धि॒क्राम॑तीत्य॒धि – क्राम॑ति । तत् । त्वा । या॒मि । ब्र॒ह्म॒णा ।
व॒न्द॒मानः॑ । इति॑ । वा॒रु॒ण्या । ऋ॒चा । 27 (50)

TS 5.7.6.5

जु॒हुया॑च्छान्तिरे॒वैषा॑ ऽग्नेर्गु॒प्तिरा॒त्मनो॑ ह॒विष्कृ॑तो वा ए॒ष यो॑ऽग्निं
चि॒नुते॑ यथा॒ वै ह॒विः स्क्व॑न्दत्ये॒वं वा॑ ए॒ष स्क्व॑न्दति यो॑ऽग्निं चि॒त्वा
स्त्रि॒यमु॑पैति॒ मैत्रा॑वरु॒ण्याऽऽ*मि॑क्षया यजेत॒ मैत्रा॑वरु॒णता॑ –
मे॒वोपै॑त्या॒त्मनो॑ ऽस्क्व॑न्दाय॒ यो वा॑ अ॒ग्निमृ॑तु॒स्थां वे॑द॒तुर्ऋ॑तु॒रस्मै॑
क॒ल्प॒मान॑ ए॒ति प्र॒त्ये॒व ति॑ष्ठति सँव॒थ्सरो॑ वा अ॒ग्निर्– [] 28

TS 5.7.6.5 - Padam

जुहु॒यात् । शान्तिः॑ । ए॒व । ए॒षा । अ॒ग्नेः । गु॒प्तिः । आ॒त्मनः॑ ।
ह॒विष्कृत॑ इति॑ ह॒विः – कृतः॑ । वै । ए॒षः । यः । अ॒ग्निम् । चि॒नुते॑ ।
यथा॑ । वै । ह॒विः । स्क॒न्दति॑ । ए॒वम् । वै । ए॒षः । स्क॒न्दति॑ । यः ।
अ॒ग्निम् । चि॒त्वा । स्त्रि॒यम् । उपै॑तीत्युप – एति॑ । मै॒त्रावरु॑ण्येति॑
मै॒त्रा – वरु॑ण्या । आ॒मिक्ष॑या । य॒जेत॑ । मै॒त्रावरु॑णतामिति॑
मै॒त्रा – वरु॑णताम् । ए॒व । उपे॑ति । एति॑ । आ॒त्मनः॑ । अ॒स्क॒न्दाय॑ ।
यः । वै । अ॒ग्निम् । ऋ॒तु॒स्था॒मित्यृ॑तु – स्था॒म् । वेद॑ ।
ऋ॒तुर्ऋ॒तुरित्यृ॑तुः – ऋ॒तुः । अ॒स्मै । कल्प॑मानः । एति॑ । प्रती॑ति ।
ए॒व । तिष्ठ॑ति । सँव॑त्सर इति॑ सं – व॒त्सरः॑ । वै । अ॒ग्निः । 28 (50)

TS 5.7.6.6

ऋ॒तु॒स्थास्तस्य॑ वस॒न्तः शिरो॑ ग्री॒ष्मो दक्षि॑णः प॒क्षो व॒र्षाः
पुच्छ॑ शरदु॒त्तरः॑ प॒क्षो हे॒म॒न्तो म॒द्ध्यं पू॒र्वप॑क्षा-श्चि॒तयोऽप॑रप॒क्षाः
पु॒रीष॑-महो॒रात्रा॒णीष्ट॑का ए॒ष वा अ॒ग्निर्ऋ॒तु॒स्था य ए॒वं
वे॒द॒र्तुर्ऋ॒तु॒र॒स्मै कल्प॑मान एति॑ प्रत्ये॒व तिष्ठ॑ति प्र॒जाप॑तिर्वा

ए॒तं ज्यै॑ष्ठ्य॒कामो॑ न्य॒धत्त॑ ततो॒ वै स ज्यै॑ष्ठ्य॒मगच्छ॑द्य
ए॒वं वि॒द्वान॒ग्निं चि॒नुते॑ () ज्यै॑ष्ठ्य॒मेव॑ गच्छति ॥ 29

TS 5.7.6.6 - Padam

ऋ॒तु॒स्था इत्यृ॑तु – स्थाः । तस्य॑ । व॒सन्तः॑ । शि॒रः । ग्री॒ष्मः ।
दक्षि॑णः । प॒क्षः । व॒र्षाः । पु॒च्छम् ॥ श॒रत् । उ॒त्तर॑ इत्युत् – त॒रः ।
प॒क्षः । हे॒मन्तः॑ । म॒द्ध्यम् ॥ पू॒र्वप॑क्षा इति पू॒र्व – प॒क्षाः । चि॒तयः॑ ।
अ॒पर॑पक्षा इत्य॒पर – प॒क्षाः । पु॒रीष॑म् । अ॒हो॒रा॒त्राणी॑त्य॒हः-रा॒त्राणि॑ ।
इ॒ष्टकाः॑ । ए॒षः । वै । अ॒ग्निः । ऋ॒तु॒स्था इत्यृ॑तु – स्थाः । यः ।
ए॒वम् । वे॒द । ऋ॒तुर्ऋ॒तुरि॑त्यृ॒तुः – ऋ॒तुः । अ॒स्मै । क॒ल्प॑मानः ।
ए॒ति । प्र॒तीति॑ । ए॒व । ति॒ष्ठति॑ । प्र॒जाप॑तिरिति प्र॒जा – प॒तिः । वै ।
ए॒तम् । ज्यै॑ष्ठ्य॒काम॑ इति ज्यै॑ष्ठ्य – का॒मः । नी॒ति । अ॒धत्त॑ । ततः॑ ।
वै । सः । ज्यै॑ष्ठ्यम् ॥ अ॒गच्छ॑त् । यः । ए॒वम् । वि॒द्वान् । अ॒ग्निम् ।
चि॒नुते॑ () । ज्यै॑ष्ठ्यम् । ए॒व । ग॒च्छति॑ ॥ 29 (53)

पद पाठे (वाक्य सहित) – पञ्चमकाण्डे – सप्तमः प्रश्नः

(पृथिवीं यच्छ – यत् स्वयमातृणा उपधाय – धेह्य – चा –
ग्नि – श्चिनुते – त्रीणि च) (A6)

TS 5.7.7.1

यदाकू॑तात् सम॑सु॒स्रोद्दृ॑दो वा मन॑सो वा संभृ॑तं चक्षु॑षो वा ।
तमनु॑ प्रेहि॑ सुकृ॒तस्य॑ लो॒कं यत्र॑ ऋषयः प्रथम॑जा ये पु॒राणाः ॥
एत॑ꣳ सध॑स्थ परि॑ ते ददामि॒ यमावहा॑च्छेवधिं जा॒तवे॑दाः ।
अन्वा॒गन्ता॑ यज्ञ॑पतिर्वो अत्र॑ तꣳ स्म जानी॑त पर॒मे व्योम॑न् ॥
जानी॑तादेनं पर॒मे व्योम॑न् देवाः सध॑स्था वि॒द रू॒पम॑स्य ।
यदागच्छा॑त्- [] 30

TS 5.7.7.1 - Padam

यत् । आकू॑ता॒दित्या॑ – कू॒तात् । सम॑सु॒स्रोदि॑ति सं – असु॑स्रोत् ।
हृदः । वा । मन॑सः । वा । संभृ॑तमि॒ति सं – भृ॒तम् । चक्षु॑षः ।
वा ॥ तम् । अनु॑ । प्रेति॑ । इ॒हि । सुकृ॒तस्ये॑ति सु – कृ॒तस्य॑ ।
लो॒कम् । यत्र॑ । ऋषयः । प्रथम॑जा इति प्रथम॑-जाः । ये । पु॒राणाः ॥
एतम् । सध॑स्थेति॑ सध – स्थ । परी॑ति । ते । ददामि॑ । यम् ।

पद पाठे (वाक्य सहित) – पञ्चमकाण्डे – सप्तमः प्रश्नः

आ॒व॒हा॒दि॒त्या॑ – व॒हा॒त् । शो॒व॒धि॒मि॒ति॑ शो॒व – धि॒म् । जा॒त॒वे॒दा॑ इति॑
जा॒त – वे॒दाः॑ ॥ अ॒न्वा॒ग॒न्ते॒त्य॒नु॒-आ॒ग॒न्ता॑ । य॒ज्ञ॒प॒ति॒रि॒ति॑ य॒ज्ञ-प॒तिः॑ ।
वः॑ । अ॒त्र । त॒म् । स्म॒ । जा॒नी॒त । प॒र॒मे । व्यो॒म॒न्नि॒ति॑ वि-ओ॒म॒न् ॥
जा॒नी॒ता॒त् । ए॒न॒म् । प॒र॒मे । व्यो॒म॒न्नि॒ति॑ वि – ओ॒म॒न् । दे॒वाः॑ ।
स॒ध॒स्था॑ इति॑ स॒ध – स्थाः॑ । वि॒द । रू॒प॒म् । अ॒स्य॑ ॥ य॒त् ।
आ॒ग॒च्छा॒दि॒त्या॑ – ग॒च्छा॒त् । 30 (50)

TS 5.7.7.2

प॒थि॒भिर्दे॒व॒या॒नै॒रि॒ष्टा॒पूर्ते॑ कृ॒णु॒ता॒दा॒वि॒र॒स्मै॑ ॥
सं प्र च्य॑व॒ध्व॒म॒नु सं प्र या॒ता॒ग्ने॑ प॒थो दे॒व॒या॒ना॒न् कृ॒णु॒ध्वं॑ ।
अ॒स्मि॒न्थ् स॒ध॒स्थे॑ अ॒ध्यु॒त्त॒र॒स्मि॒न् वि॒श्वे॑ दे॒वा य॒ज॒मा॒नश्च॑ सी॒द॒त ॥
प्र॒स्त॒रे॒ण प॒रि॒धि॒ना॑ सु॒चा वे॒द्या च ब॒र्हि॒षा॑ ।
ऋ॒चे॒मं य॒ज्ञं नो॑ वह॒ सु॒व॒र्दे॒वेषु॑ ग॒न्त॒वे॑ ॥
य॒दिष्टं॑ य॒त् प॒रा॒दा॒नं य॒द्दत्तं॑ या च दक्षि॑णा ।

त – [] 31

TS 5.7.7.2 - Padam

प॒थिभि॑रिति॒ प॒थि – भिः॑ । दे॒व॒या॒नै॑रिति॒ दे॒व – या॑नैः॑ ।
इ॒ष्टा॒पूर्ते॑ इ॒ती॒ष्टा-पूर्ते॑ । कृ॒णु॒तात् । आ॒विः । अ॒स्मै ॥ स॒म् । प्रेति॑ ।
च्य॒व॒ध्वम् । अ॒न्वि॒ति । स॒म् । प्रेति॑ । या॒त । अ॒ग्ने॑ । प॒थः ।
दे॒व॒या॒ना॒नि॒ति॒ दे॒व – या॑ना॒न् । कृ॒णु॒ध्वम् ॥ अ॒स्मिन् ।
स॒ध॒स्थ॒ इति॑ स॒ध – स्थे॑ । अधी॑ति । उ॒त्तर॑स्मि॒न्नित्यु॑त् – त॒र॒स्मिन् ।
वि॒श्वे॑ । दे॒वाः । य॒ज॒मा॒नः । च॒ । सी॒द॒त ॥ प्र॒स्त॒रेणे॑ति॒ प्र – स्त॒रेण॑ ।
प॒रि॒धि॒ने॒ति॒ प॒रि – धि॑ना॒ । सु॒चा॒ । वे॒द्या॑ । च॒ । ब॒र्हि॒षा ॥ ऋ॒चा॒ ।
इ॒मम् । य॒ज्ञम् । नः॑ । व॒ह॒ । सु॒वः॑ । दे॒वेषु॑ । ग॒न्त॒वे ॥ यत् । इ॒ष्टम् ।
यत् । प॒रा॒दा॒न॒मि॒ति॒ प॒रा – दा॑नम् । यत् । द॒त्तम् । या॒ । च॒ । दक्षि॑णा ॥
तत् । 31 (50)

TS 5.7.7.3

–द॒ग्नि॒र्वै॒श्व॒क॒र्म॒णः॑ सु॒व॒र्दे॒वेषु॑ नो दधत् ॥
ये॒ना॒ स॒ह॒स्रं॑ व॒ह॒सि॑ ये॒ना॒ग्ने॑ स॒र्व॒वे॒द॒सं ।
ते॒ने॒मं॑ य॒ज्ञं नो॑ व॒ह॒ सु॒व॒र्दे॒वेषु॑ ग॒न्त॒वे ॥

ये॒नाग्ने॑ दक्षि॒णा यु॒क्ता य॒ज्ञं वह॑न्त्यृ॒त्विजः॑ ।

तेने॒मं य॒ज्ञं नो॑ वह॒ सुव॑र्दे॒वेषु॑ गन्त॒वे ॥

ये॒नाग्ने॑ सु॒कृतः॑ प॒था म॒धोर्ध॑रा॒ व्यान॑शुः ।

तेने॒मं य॒ज्ञं नो॑ वह॒ सुव॑र्दे॒वेषु॑ गन्त॒वे () ॥

यत्र॑ धा॒रा अ॒नपे॑ता म॒धोर्धृ॑तस्य च याः ।

तद॒ग्निर्वै॑श्व॒कर्म॑णः सुव॑र्दे॒वेषु॑ नो दधत् ॥ 32

TS 5.7.7.3 - Padam

अ॒ग्निः । वै॒श्व॒कर्म॑ण इति॑ वै॒श्व – कर्म॑णः । सु॒वः । दे॒वेषु॑ । नः ।

दध॑त् ॥ येन॑ । स॒हस्र॑म् । वह॑सि । येन॑ । अ॒ग्ने ।

सर्व॑वे॒दस॑मिति॑ सर्व॑ – वे॒दस॑म् ॥ तेन॑ । इ॒मम् । य॒ज्ञम् । नः । वह॑ ।

सु॒वः । दे॒वेषु॑ । गन्त॑वे ॥ येन॑ । अ॒ग्ने । दक्षि॒णाः । यु॒क्ताः । य॒ज्ञम् ।

वह॑न्ति । ऋ॒त्विजः॑ ॥ तेन॑ । इ॒मम् । य॒ज्ञम् । नः । वह॑ । सु॒वः ।

दे॒वेषु॑ । गन्त॑वे ॥ येन॑ । अ॒ग्ने । सु॒कृत॑ इति॑ सु – कृतः॑ । प॒था ।

म॒धोः । धा॒राः । व्या॒नशु॑रिति॑ वि – आ॒नशुः॑ ॥ तेन॑ । इ॒मम् । य॒ज्ञम् ।

नः । वह । सुवः । देवेषु । गन्तवे () ॥ यत्र । धाराः ।
अनपेता इत्यनप – इताः । मधोः । घृतस्य । च । याः ॥ तत् ।
अग्निः । वैश्वकर्मण इति वैश्व – कर्मणः । सुवः । देवेषु । नः ।

दधत् ॥ 32 (64)

(आगच्छात् – त – द्वयानशु स्तेनेमं यज्ञं नो
वह सुवर्देवेषु गन्तवे – चतुर्दश च) (A7)

TS 5.7.8.1

यास्ते अग्ने समिधो यानि धाम या जिह्वा जातवेदो यो अर्चिः ।
ये ते अग्ने मेडयो य इन्द्रवस्तेभिरात्मानं चिनुहि प्रजानन् ॥
उत्सन्नयज्ञो वा एष यदग्निः किं वाऽहैतस्य क्रियते
किं वा न यद्वा अद्ध्वर्यु-रग्नेश्चिन्वन्न-न्तरेत्यात्मनो वै
तदन्तरेति यास्ते अग्ने समिधो यानि-[] 33

TS 5.7.8.1 - Padam

याः । ते । अग्ने । समिध इति सं – इधः । यानि । धाम । या ।
जिह्वा । जातवेद इति जात-वेदः । यः । अर्चिः ॥ ये । ते । अग्ने ।

पद पाठे (वाक्य सहित) – पञ्चमकाण्डे – सप्तमः प्रश्नः

मे॒डयः॑ । ये । इ॒न्द॒वः॑ । ते॒भिः॑ । आ॒त्मा॒नम्॑ ॥ चि॒नु॒हि॑ । प्र॒जा॒न॒न्नि॒ति॑
प्र – जा॒नन् ॥ उ॒थ्स॒न्न॒य॒ज्ञ इ॒त्यु॒थ्स॒न्न – य॒ज्ञः॑ । वै । ए॒षः॑ । यत् ।
अ॒ग्निः॑ । किम् । वा । अ॒ह॑ । ए॒तस्य॑ । क्रि॒यते॑ ॥ किम् । वा । न ।
यत् । वै । अ॒द्ध्व॒र्युः॑ । अ॒ग्नेः॑ । चि॒न्वन् ॥ अ॒न्त॒रे॒ती॒त्यन्तः॑ – ए॒ति॑ ।
आ॒त्म॒नः॑ । वै । तत् । अ॒न्तः॑ । ए॒ति॑ । याः । ते । अ॒ग्ने॑ ।
स॒मि॒ध इति॑ सं – इ॒धः॑ । या॒नि॑ । 33 (50)

TS 5.7.8.2

धा॒मे॒त्या॒है॒षा वा॑ अ॒ग्नेः॑ स्व॒यं चि॒तिर॒ग्निरे॒व तद॒ग्निं॑
चि॒नो॒ति ना॒द्ध्व॒र्यु॒रा॒त्म॒नोऽन्त॒रे॒ति च॒त॒स्र आ॒शाः॑
प्र॒च॒र॒न्त्व॒ग्नय॑ इ॒मं नो॑ य॒ज्ञं न॒यतु॑ प्र॒जा॒नन् ।
घृ॒तं पि॒न्वन् न॒ज॒रꣳ सु॒वी॒रं ब्र॒ह्म स॒मिद्-भ॒व॒त्याहु॑ती॒नां ॥
सु॒व॒र्गा॒य वा॑ ए॒ष लो॒का॒योप॑ धी॒यते॑ यत् कू॒र्मश्च॒त॒स्र आ॒शाः॑
प्र च॒र॒न्त्व॒ग्नय॑ इ॒त्याह॑- [] 34

TS 5.7.8.2 - Padam

धाम॑ । इति॑ । आ॒ह । ए॒षा । वै । अ॒ग्नेः । स्व॒यंचि॒तिरिति॑
स्व॒यं – चि॒तिः । अ॒ग्निः । ए॒व । तत् । अ॒ग्निम् । चि॒नोति॑ । न ।
अ॒ध्व॒र्युः । आ॒त्मनः॑ । अ॒न्तः । ए॒ति । च॒तस्रः॑ । आ॒शाः । प्रेति॑ ।
च॒रन्तु॑ । अ॒ग्नयः॑ । इ॒मम् । नः॑ । य॒ज्ञम् । न॒यतु॑ । प्र॒जा॒न॒न्निति॑
प्र – जा॒नन् ॥ घृ॒तम् । पि॒न्वन् । अ॒जरम्॑ । सु॒वी॒रमि॒ति सु॒-वी॒रम्॑ ।
ब्र॒ह्म । स॒मिदि॒ति सं – इत् । भ॒वति॑ । आ॒हु॒तीना॒मित्या – हु॒तीना॒म् ॥
सु॒व॒र्गायेति॑ सु॒वः – गा॒य । वै । ए॒षः । लो॒काय॑ । उ॒पेति॑ । धी॒य॒ते ।
यत् । कू॒र्मः । च॒तस्रः॑ । आ॒शाः । प्रेति॑ । च॒रन्तु॑ । अ॒ग्नयः॑ ।
इति॑ । आ॒ह । 34 (50)

TS 5.7.8.3

दि॒श ए॒वैतेन॑ प्र जा॒नाती॒मं नो॑ य॒ज्ञं न॒यतु॑ प्र॒जा॒न॒न्नित्या॑ह सु॒व॒र्गस्य॑
लो॒कस्या॒भिनी॒त्यै ब्र॒ह्म स॒मिद्-भ॒वत्या॑हु॒तीना॒-मि॒त्याह॑ ब्र॒ह्मणा॑ वै
दे॒वाः सु॒व॒र्गं लो॒कमा॒यन् यद्-ब्र॒ह्मण्व॑त्यो॒पद॑धाति ब्र॒ह्मणै॒व तद्-
यज॑मानः सु॒व॒र्गं लो॒कमे॒ति प्र॒जाप॑ति॒र्वा ए॒ष यद॑ग्निस्तस्य प्र॒जाः

प॒शवः॑ छ॒न्दा॑ꣳसि रू॒पꣳ सर्वा॑न् वर्णा॒निष्ट॑कानां () कुर्या॑द् रू॒पेणै॒व
प्र॒जां प॒शून् छ॒न्दा॑ꣳस्य॒व रु॒न्धेऽथो॑ प्र॒जाभ्य॑ ए॒वैनं॑ प॒शुभ्यः॑ छ॒न्दो॑भ्यो
ऽव॒रुद्ध्य॑ चिनुते ॥ 35

TS 5.7.8.3 - Padam

दि॒शः । ए॒व । ए॒तेन॑ । प्रेति॑ । जा॒नाति॑ । इ॒मम् । नः । य॒ज्ञम् ।
न॒यतु॑ । प्र॒जा॒न॒न्रिति॑ प्र – जा॒नन् । इति॑ । आ॒ह ।
सु॒वर्ग॑स्येति सु॒वः – ग॒स्य । लो॒कस्य॑ । अ॒भिनी॑त्या इत्य॒भि-नी॒त्यै ।
ब्र॒ह्म । स॒मिदि॑ति सं – इत् । भ॒वति॑ । आ॒हु॒तीना॑मित्या – हु॒तीना॑म् ।
इति॑ । आ॒ह । ब्र॒ह्म॒णा । वै । दे॒वाः । सु॒वर्ग॑मिति सु॒वः – गम् ।
लो॒कम् । आ॒यन् । यत् । ब्र॒ह्म॒ण्वत्ये॑ति ब्र॒ह्मण् – व॒त्या ।
उ॒प॒द॒धा॒तीत्यु॑प – द॒धाति॑ । ब्र॒ह्म॒णा । ए॒व । तत् । य॒ज॒मा॒नः ।
सु॒वर्ग॑मिति सु॒वः – गम् । लो॒कम् । ए॒ति ।
प्र॒जा॒प॒तिरिति॑ प्र॒जा – प॒तिः । वै । ए॒षः । यत् । अ॒ग्निः । तस्य॑ ।
प्र॒जा इति॑ प्र – जाः । प॒शवः॑ । छ॒न्दा॑ꣳसि । रू॒पम् । सर्वा॑न् ।

वर्णान् । इष्टकानाम् () । कुर्यात् । रूपेण । एव । प्रजामिति
प्र – जाम् । पशून् । छन्दाँसि । अवेति । रुन्धे । अथो इति ।
प्रजाभ्य इति प्र – जाभ्यः । एव । एनम् । पशुभ्य इति पशु-भ्यः ।
छन्दोभ्य इति छन्दः – भ्यः । अवरुद्ध्येत्यव – रुद्ध्य ।

चिनुते ॥ 35 (66)

(यान्य – ग्नय इत्याहे – ष्टकानाँ – षोडश च) (A8)

TS 5.7.9.1

मयि गृह्णाम्यग्रे अग्निँ रायस्पोषाय सुप्रजास्त्वाय सुवीर्याय ।
मयि प्रजां मयि वर्चो दधाम्यरिष्टाः स्याम तनुवा सुवीराः ॥
यो नो अग्निः पितरो हृथस्वन्तरमर्त्यो मर्त्याँ आविवेश ।
तमात्मन् परि गृह्णीमहे वयं मा सो अस्माँ अवहाय परा गात् ॥
यदध्वर्युरात्मन्नग्निम-गृहीत्वाँग्निं चिनुयाद्योँस्य
स्वोँग्निस्तमपि – [] 36

TS 5.7.9.1 - Padam

मयि॑ । गृ॒ह्णामि॑ । अ॒ग्रे॑ । अ॒ग्निम् । रा॒यः । पो॒षाय॑ । सु॒प्र॒जास्त्वायेति॑
सु॒प्र॒जाः – त्वाय॑ । सु॒वीर्यायेति॑ सु – वी॒र्याय॑ ॥ मयि॑ । प्र॒जामिति॑
प्र – जा॒म् । मयि॑ । वर्चः॑ । द॒धामि॑ । अरि॑ष्टाः । स्या॒म । त॒नुवा॑ ।
सु॒वीरा॒ इति॑ सु – वी॒राः ॥ यः । नः । अ॒ग्निः । पि॒तरः । ह॒त्वि॒स्वति॑
ह॒त् – सु । अ॒न्तः । अ॒मर्त्यः॑ । म॒र्त्यान् । आ॒वि॒वेशे॒त्या – वि॒वेश॑ ॥
तम् । आ॒त्मन् । प॒रीति॑ । गृ॒ह्णी॒महे॑ । व॒यम् । मा । सः । अ॒स्मान् ।
अ॒व॒हायेत्य॑व – हा॒य । प॒रेति॑ । गा॒त् ॥ यत् । अ॒ध्व॒र्युः । आ॒त्मन् ।
अ॒ग्निम् । अ॒गृही॑त्वा । अ॒ग्निम् । चि॒नुया॑त् । यः । अ॒स्य । स्वः ।
अ॒ग्निः । तम् । अ॒पीति॑ । 36 (50)

TS 5.7.9.2

यज॑मानाय चि॒नुया॑द॒ग्निं ख॒लु वै प॒शवोऽनू॑प तिष्ठ॑न्तेऽप॒क्रामु॑का
अ॒स्मात् प॒शवः॑ स्यु॒र्मयि॑ गृ॒ह्णाम्य॑ग्रे अ॒ग्निमि॑त्याहाऽऽ॒त्मन्ने॒व
स्व॒म॒ग्निं दा॑धार ना॒स्मात् प॒शवोऽप॑ क्राम॑न्ति ब्र॒ह्मवा॑दिनो॑ वद॑न्ति

यन्मृ॒च्चाऽऽप॒श्चाग्ने॒रनाद्य॑मथ॒ कस्मान्मृ॒दा चा॒द्भिश्चाग्नि॑श्ची॒यत॒

इति॒ यद॒द्भिः सं यौ – [] 37

TS 5.7.9.2 - Padam

यज॑मानाय । चि॒नुया॑त् । अ॒ग्निम् । खलु॑ । वै । प॒शवः॑ । अनु॑ ।
उपे॑ति । तिष्ठ॑न्ते । अप॒क्रामु॑का इत्यप – क्रा॒मुकाः॑ । अ॒स्मात् ।
प॒शवः॑ । स्युः॑ । मयि॑ । गृ॒ह्णामि॑ । अ॒ग्रे । अ॒ग्निम् । इति॑ । आ॒ह ।
आ॒त्मन् । ए॒व । स्वम् । अ॒ग्निम् । दा॒धार । न । अ॒स्मात् । प॒शवः॑ ।
अपे॑ति । क्रा॒मन्ति॑ । ब्र॒ह्मवा॑दिन इति ब्र॒ह्म-वा॑दिनः । वद॑न्ति । यत् ।
मृत् । च । आ॒पः । च । अ॒ग्नेः । अ॒नाद्य॑म् । अथ॑ । कस्मा॑त् ।
मृ॒दा । च । अ॒द्भिरित्य॑त्-भिः । च । अ॒ग्निः । ची॒यते॑ । इति॑ । यत् ।
अ॒द्भिरित्य॑त् – भिः । सँयौ॑तीति सं – यौति॑ । 37 (50)

TS 5.7.9.3

-त्यापो॑ वै सर्वा॑ दे॒वता॑ दे॒वता॑भिरे॒वैनं॑ सृ॒जति॑
यन्मृ॒दा चि॒नोती॑यं वा अ॒ग्निर्वै॑श्चा॒नरो॑ऽग्नि॒नैव॑ तद॒ग्निं चि॑नोति
ब्र॒ह्मवा॑दिनो वद॑न्ति यन्मृ॒दा चा॒द्भिश्चाग्नि॑श्ची॒यतेऽथ॑

कस्मा॑द॒ग्निरु॑च्यत॒ इति॑ यच्छ॒न्दोभि॑-श्चिनो॒त्यग्नयो॑ वै छन्दा॑ऽसि
तस्मा॑द॒ग्निरु॑च्यतेऽथो॑ इयं॑ वा अ॒ग्निर्वै॑श्चान॒रो य - [] 38

TS 5.7.9.3 - Padam

आपः॑ । वै । सर्वाः॑ । दे॒वताः॑ । दे॒वता॑भिः । ए॒व । ए॒नम् । समि॑ति ।
सृ॒जति॑ । यत् । मृ॒दा । चि॒नोति॑ । इ॒यम् । वै । अ॒ग्निः । वैश्चान॑रः ।
अ॒ग्निना॑ । ए॒व । तत् । अ॒ग्निम् । चि॒नोति॑ । ब्र॒ह्मवा॑दिन॒ इति॑
ब्र॒ह्म - वा॑दिनः । वद॑न्ति । यत् । मृ॒दा । च । अ॒द्भिरि॑त्यत् - भिः ।
च । अ॒ग्निः । ची॒यते॑ । अथ॑ । कस्मा॑त् । अ॒ग्निः । उ॒च्यते॑ । इति॑ ।
यत् । छ॒न्दोभि॑रिति॒ छन्दः॑ - भिः । चि॒नोति॑ । अ॒ग्नयः॑ । वै ।
छन्दा॑ऽसि । तस्मा॑त् । अ॒ग्निः । उ॒च्यते॑ । अथो॑ इति॑ । इ॒यम् । वै ।
अ॒ग्निः । वैश्चान॑रः । यत् । 38 (50)

TS 5.7.9.4

-न्मृ॒दा चि॒नोति॑ तस्मा॑द॒ग्निरु॑च्यते हिर॒ण्येष्ट॑का उप॑ दधाति॒ ज्योति॑र्वै
हिर॒ण्यं ज्योति॑रेवाऽस्मिन् दधा॒त्यथो॑ तेजो॒ वै हिर॑ण्यं तेज॒ एवाऽऽ॑त्मन्
धत्ते॑ यो वा अ॒ग्निः सर्व॑तो॒मुखं॑ चिनु॒ते सर्वा॑सु प्र॒जास्व॑न्नम॒त्ति सर्वा॑

दि॒शोऽभि॑ ज॒यति॑ गा॒यत्रीं॑ पु॒रस्ता॑दुप॒ दधा॑ति त्रि॒ष्टुभं॑ दक्षि॒णतो॑ जग॒तीं॑
प॒श्चादनु॑ष्टु॒भमुत्त॑रतः प॒ङ्क्तिं॑ म॒द्ध्य ए॒ष वा () अ॒ग्निः स॒र्वतो॑मु॒खस्तं॑
य॒ एवं॑ वि॒द्वाञ्चि॑नु॒ते स॒र्वासु॑ प्र॒जास्व॑न्नम॒त्ति
स॒र्वा दि॒शोऽभि॑ ज॒यत्य॑थो दि॒श्येव॑ दि॒शं प्र॑ व॒यति॑ तस्मा॑द्-दि॒शि
दिक् प्रो॑ता ॥ 39

TS 5.7.9.4 - Padam

मृ॒दा । चि॒नोति॑ । तस्मा॑त् । अ॒ग्निः । उ॒च्यते॑ । हि॒रण्ये॒ष्टका॑ इति॑
हि॒रण्य - इ॒ष्टकाः॑ । उ॒पेति॑ । द॒धाति॑ । ज्योतिः॑ । वै । हि॒रण्यम् ।
ज्योतिः॑ । ए॒व । अ॒स्मिन् । द॒धाति॑ । अथो॑ इति॑ । तेजः॑ । वै ।
हि॒रण्यम् । तेजः॑ । ए॒व । आ॒त्मन् । ध॒त्ते । यः । वै । अ॒ग्निम् ।
स॒र्वतो॑मु॒खमि॑ति स॒र्वतः॑ - मु॒खम् । चि॒नुते॑ । स॒र्वासु॑ । प्र॒जास्वि॑ति
प्र - जा॑सु । अ॒न्नम् । अ॒त्ति । स॒र्वाः । दि॒शः । अ॒भीति॑ । ज॒यति॑ ।
गा॒यत्रीम् । पु॒रस्ता॑त् । उ॒पेति॑ । द॒धाति॑ । त्रि॒ष्टुभम् । दक्षि॒णतः॑ ।
जग॒तीम् । प॒श्चात् । अ॒नुष्टु॒भमित्य॑नु-स्तु॒भम् । उ॒त्तर॑त इत्यु॒त्-तर॑तः ।

प॒ङ्क्ति॑म् । म॒द्ध्ये॑ । ए॒षः । वै () । अ॒ग्निः । स॒र्वतो॑मुख॒ इति॑
स॒र्वतः॑ – मु॒खः । तम् । यः । ए॒वम् । वि॒द्वान् । चि॒नुते॑ । सर्वा॑सु ।
प्र॒जास्वि॑ति प्र-जा॑सु । अ॒न्नम् । अ॒त्ति । सर्वाः॑ । दि॒शः । अ॒भीति॑ ।
ज॒यति॑ । अथो॒ इति॑ । दि॒शि । ए॒व । दि॒शम् । प्रेति॑ । व॒यति॑ ।
तस्मा॑त् । दि॒शि । दिक् । प्रोतेति॑ प्र – उ॒ता ॥ 39 (75)

(अ॒पि-स॒यौति॑-वै॒श्वान॑रो य-दे॒ष वै-प॒ञ्चवि॑ंशतिश्च) (A9)

TS 5.7.10.1

प्र॒जाप॑तिर॒ग्निम॑सृजत सोऽस्मा॑त् सृष्टः प्राङ् प्रा॒ऽद्व॑त् तस्मा॒
अ॒श्वं प्र॑त्यास्यथ् स दक्षि॑णाऽऽव॒र्तत॑ तस्मै॑ वृ॒ष्णिं प्र॑त्यास्यथ्
स प्र॑त्यङ्गाऽव॒र्तत॑ तस्मा॑ ऋष॒भं प्र॑त्यास्यथ् स उद॑ङ्गाऽव॒र्तत॑
तस्मै॑ ब॒स्तं प्र॑त्यास्यथ् स ऊ॒र्ध्वोऽद्व॑त् तस्मै॑ पु॒रुषं॑
प्र॑त्यास्यद्यत् प॒शुशी॑र्षाण्युप॒दधा॑ति स॒र्वत॑ ए॒वैन- [] 40

TS 5.7.10.1 - Padam

प्र॒जाप॑तिरिति॑ प्र॒जा – प॒तिः । अ॒ग्निम् । अ॒सृज॑त । सः । अ॒स्मात् ।
सृष्टः । प्राङ् । प्रेति॑ । अ॒द्व॑त् । तस्मै॑ । अ॒श्वम् । प्र॒तीति॑ । आ॒स्य॑त् ।

सः । दक्षिणा । एति । अवर्तत । तस्मै । वृष्णिम् । प्रतीति ।
आस्यत् । सः । प्रत्यङ् । एति । अवर्तत । तस्मै । ऋषभम् ।
प्रतीति । आस्यत् । सः । उदङ् । एति । अवर्तत । तस्मै । बस्तम् ।
प्रतीति । आस्यत् । सः । ऊर्ध्वः । अद्रवत् । तस्मै । पुरुषम् ।
प्रतीति । आस्यत् । यत् । पशुशीर्षाणीति पशु – शीर्षाणि ।
उपदधातीत्युप – दधाति । सर्वतः । एव । एनम् । 40 (50)

TS 5.7.10.2

मवरुद्ध्य चिनुत एता वै प्राणभृत-श्चक्षुष्मतीरिष्टका यत्
पशुशीर्षाणि यत् पशुशीर्षाण्युपदधाति ताभिरेव यजमानोऽमुष्मिन्
लोके प्राणित्यथो ताभिरेवास्मा इमे लोकाः प्र भान्ति मृदाऽभिलिप्योप
दधाति मेद्ध्यत्वाय पशुर्वा एष यदग्निरन्नं पशव एष खलु वा
अग्निर्यत् पशुशीर्षाणि यं कामयेत कनीयोऽस्यान्नञ्च – [] 41

TS 5.7.10.2 - Padam

अवरुद्ध्येत्यव – रुद्ध्य । चिनुते । एताः । वै ।
प्राणभृत इति प्राण – भृतः । चक्षुष्मतीः । इष्टकाः । यत् ।

प॒शु॒शी॒र्षा॒णीति॑ प॒शु – शी॒र्षा॒णि । यत् । प॒शु॒शी॒र्षा॒णीति॑
 प॒शु – शी॒र्षा॒णि । उ॒प॒द॒धा॒तीत्यु॒प – द॒धा॒ति । ता॒भिः । ए॒व ।
 यज॑मानः । अ॒मुष्मिन् । लो॒के । प्रेति॑ । अ॒नि॒ति । अथो॒ इति॑ ।
 ता॒भिः । ए॒व । अ॒स्मै । इ॒मे । लो॒काः । प्रेति॑ । भा॒न्ति । मृ॒दा ।
 अ॒भि॒लि॒प्येत्य॑भि – लि॒प्य । उ॒पेति॑ । द॒धा॒ति । मे॒द्ध्य॒त्वायेति॑
 मे॒द्ध्य॒त्वाय॑ । प॒शुः । वै । ए॒षः । यत् । अ॒ग्निः । अ॒न्नम् । प॒शवः॑ ।
 ए॒षः । ख॒लु । वै । अ॒ग्निः । यत् । प॒शु॒शी॒र्षा॒णीति॑
 प॒शु-शी॒र्षा॒णि । यम् । का॒मये॑त । क॒नीयः॑ । अ॒स्य ।

॥
 अ॒न्नम् । 41 (50)

TS 5.7.10.3

स्या॒दिति॑ सं॒तरां॑ तस्य॑ प॒शु॒शी॒र्षा॒ण्यु॒प द॒द्ध्यात् क॒नीय॑ ए॒वास्या॑न्नं
 भव॑ति यं का॒मये॑त स॒माव॑दस्या॒न्नं स्या॒दिति॑ म॒द्ध्य॒तस्त॑स्यो॒प
 द॒द्ध्याथ् स॒माव॑-दे॒वास्या॑न्नं भव॑ति यं का॒मये॑त भू॒योऽस्या॑न्नं
 स्या॒दित्यन्ते॑षु तस्य॑ व्यु॒दूह्यो॑प द॒द्ध्याद॑न्तत ए॒वास्मा॑ अ॒न्नम॑व रु॒न्धे
 भू॒योऽस्या॑न्नं भव॑ति () ॥ 42

TS 5.7.10.3 - Padam

स्यात् । इति । सं॒तरामि॑ति सं – तरा॒म् । तस्य॑ । प॒शु॒शीर्॒षाणी॑ति
पशु॑ – शीर्॒षाणि॑ । उपेति॑ । द॒द्ध्य॑त् । कनी॑यः । ए॒व । अ॒स्य ।
अ॒न्नम् । भ॒वति॑ । यम् । का॒मये॑त । स॒माव॑त् । अ॒स्य । अ॒न्नम् ।
स्यात् । इति॑ । म॒द्ध्य॑तः । तस्य॑ । उपेति॑ । द॒द्ध्य॑त् । स॒माव॑त् ।
ए॒व । अ॒स्य । अ॒न्नम् । भ॒वति॑ । यम् । का॒मये॑त । भू॑यः । अ॒स्य ।
अ॒न्नम् । स्यात् । इति॑ । अ॒न्तेषु॑ । तस्य॑ । व्यु॒दूह्ये॑ति वि – उ॒दूह्य॑ ।
उपेति॑ । द॒द्ध्य॑त् । अ॒न्ततः॑ । ए॒व । अ॒स्मै । अ॒न्नम् । अ॒वेति॑ ।
रु॒न्धे । भू॑यः । अ॒स्य । अ॒न्नम् । भ॒वति॑ () ॥ 42 (50)

(ए॒न- म॒स्यान्नं॑ – भू॒योऽस्याऽन्नं॑ भ॒वति) (A10)

TS 5.7.11.1

स्ते॒गान् द॒ष्ट्राभ्यां॑ म॒ण्डू॒कान् जं॑भ्येभि॒राद॑कां-खा॒देनो॑र्ज
स॒ सू॒देना*ऽर॑ण्यं जा॒ंबी॒लेन॑ मृ॒दं ब॒र्स्वे॑भिः
श॒र्करा॑भि॒रव॑का॒मव॑काभिः श॒र्करा॑मु॒त्सादे॑न जि॒ह्वा॒मव॑क्र॒न्देन॑
ता॒लु॒ सर॑स्वतीं जि॒ह्वा॒ग्रेण॑ ॥ 43

TS 5.7.11.1 - Padam

स्ते॒गान् । द॒ष्ट्रा॑भ्याम् । म॒ण्डू॑कान् । ज॒भ्ये॑भिः । आ॒द॒काम् ।
खा॒देन॑ । ऊ॒र्जम् । स॒सू॒देने॑ति सं-सू॒देन॑ । अ॒र॒ण्यम् । जा॒न्वी॑लेन ।
मृ॒दम् । ब॒र्स्वे॑भिः । श॒र्करा॑भिः । अ॒व॒काम् । अ॒व॒काभिः । श॒र्करा॑म् ।
उ॒त्सा॒देने॑त्युत् - सा॒देन॑ । जि॒ह्वा॑म् । अ॒व॒क्र॒न्देने॑त्यव - क्र॒न्देन॑ ।
ता॒लुम् । सर॑स्वतीम् । जि॒ह्वा॒ग्रेणे॑ति जिह्वा - अ॒ग्रेण॑ ॥ 43 (22)

(स्ते॒गान् - द्वावि॑ंशतिः) (A11)

TS 5.7.12.1

वाज॑ ह॒नू॒भ्याम॑प आ॒स्ये॑नाऽऽदि॒त्या-ञ्छ॑मश्रु॒भि-रु॒प॒याम॑-
म॒ध॒रे॒णो॒ष्ठेन॑ स॒दु॒त्त॒रे॒णान्त॑रेणा-नू॒का॒शं प्र॑का॒शेन॑ बा॒ह्य॑ स्त॒नयि॑न्तुं
नि॒र्बा॒धेन॑ सू॒र्या॒ग्नी चक्षु॑भ्याँ वि॒द्युतौ॑ क॒नान॑काभ्याम॒शनिं॑ म॒स्तिष्के॑ण
ब॒लं म॒ज्ज॑भिः ॥ 44

TS 5.7.12.1 - Padam

वाज॑म् । ह॒नू॒भ्यामि॑ति ह॒नु - भ्या॑म् । अ॒पः । आ॒स्ये॑न । आ॒दि॒त्यान् ।
श्म॑श्रु॒भिरि॑ति श्मश्रु - भिः । उ॒प॒याम॑मित्युप - या॒मम् । अ॒ध॒रे॒ण ।

ओ॒ष्ठेन॑ । सत् । उत्त॑रेणे॒त्युत् – त॒रेण॑ । अ॒न्त॒रेण॑ ।

अ॒नू॒का॒श॒मि॒त्यनु॑ – का॒शम् । प्र॒का॒शे॒नेति॑ प्र – का॒शेन॑ । बा॒ह्यम् ॥

स्त॒न॒यि॒न्नुम् । नि॒र्बा॒धेने॑ति॒ निः-बा॒धेन॑ । सू॒र्या॒ग्नी इति॑ सू॒र्य-अ॒ग्नी ।

चक्षु॑भ्या॒मिति॑ चक्षुः – भ्याम् । वि॒द्युता॑वि॒ति वि – द्युतौ ॥

क॒ना॒न॒का॒भ्याम् । अ॒श॒निम् । म॒स्ति॒ष्के॑ण । ब॒लम् । म॒ज्ज॒भि॒रिति॑

म॒ज्ज – भिः ॥ 44 (25) (वा॒जं प॒ञ्च॒वि॒ंश॒तिः) (A12)

TS 5.7.13.1

कू॒र्मा-ज्छ॒फैर॒च्छ॒लाभिः॑ क॒पिज्ज॑ला॒न्थ॒साम॑ कु॒ष्ठिका॑भिर्ज॒वं

ज॒ङ्घा॑भि॒रग॒दं जा॒नुभ्यां॑ वी॒र्यं॑ कु॒हाभ्यां॑ भ॒यं प्र॑चा॒लाभ्यां॑

गु॒होप॑प॒क्षाभ्या॑-म॒श्विना॒वञ् सा॒भ्याम॑दि॒तिञ् शी॒र्ष्णा नि॒र्ऋ॒तिं

नि॒र्जा॒ल्म॒केन॑ शी॒र्ष्णा ॥ 45

TS 5.7.13.1 - Padam

कू॒र्मान् । श॒फैः । अ॒च्छ॒लाभिः॑ । क॒पिज्ज॑ला॒न् । साम॑ । कु॒ष्ठिका॑भिः ।

ज॒वम् । ज॒ङ्घा॑भिः । अ॒गद॑म् । जा॒नुभ्या॑मि॒ति जा॒नु-भ्याम् । वी॒र्यम् ॥

कु॒हाभ्याम् । भ॒यम् । प्र॑चा॒लाभ्या॑मि॒ति प्र – चा॒लाभ्याम् । गु॒हा ॥

पद पाठे (वाक्य सहित) – पञ्चमकाण्डे – सप्तमः प्रश्नः

उप॒पक्षा॑भ्या॒मित्यु॑प – पक्षा॑भ्याम् । अ॒श्विनौ॑ । अ॒ञ्सा॑भ्याम् ।

अदि॑तिम् । शी॒र्ष्णा । निर्ऋ॑तिमि॒ति निः – ऋ॒तिम् । नि॒र्जाल्म॑के॒नेति॑

निः-जाल्म॑के॒न । शी॒र्ष्णा ॥ 45 (23) (कूर्मान्-त्रयोविंशतिः) (A13)

TS 5.7.14.1

योक्त्रं॑ गृ॒द्ध्राभि॑र्यु॒गमा॑न॒तेन॑ चि॒त्तं म॑न्या॒भिः संक्रो॑शान् प्रा॒णैः

प्रका॑शेन॒ त्वचं॑ पराका॑शेना॒न्तरां॑ म॒शका॑न् के॒शैरिन्द्र॑ स्वप॑सा

वहे॑न॒ बृह॑स्पति॒ शकु॑निसा॒देन॑ रथमु॒ष्णिहा॑भिः ॥ 46

TS 5.7.14.1 - Padam

योक्त्र॑म् । गृ॒द्ध्राभिः॑ । यु॒गम् । आ॒न॒ते॒नेत्या॑ – न॒तेन॑ । चि॒त्तम् ।

म॒न्या॒भिः । संक्रो॑शानि॒ति सं – क्रो॑शान् । प्रा॒णैरि॑ति प्र – अ॒नैः ।

प्रका॑शेनेति प्र – का॑शेन । त्वच॑म् । पराका॑शेनेति परा – का॑शेन ।

अ॒न्त॒राम् । म॒शका॑न् । के॒शैः । इन्द्र॑म् । स्वप॑सेति सु – अ॒पसा॑ ।

वहे॑न । बृह॑स्पति॒म् । शकु॑निसा॒देनेति॑ शकु॒नि – सा॒देन॑ । रथ॑म् ।

उ॒ष्णिहा॑भिः ॥ 46 (21)

(योक्त्र – मेकविंशतिः) (A14)

TS 5.7.15.1

मि॒त्रावरु॑णौ श्रो॒णी॑भ्यामिन्द्रा॒ग्नी शि॒खण्डा॑भ्या-मिन्द्रा॒बृह॒स्पती॑
ऊ॒रुभ्या॑मिन्द्रा॒विष्णू॑ अ॒ष्टीव॑द्भ्याꣳ स॒वितारं॑ पु॒च्छेन॑
गन्ध॑र्वाञ्छेपे॒ना-फ॒सर॑सो मु॒ष्काभ्यां॑ प॒वमानं॑ पा॒युना॑ प॒वित्रं॑
पो॒त्राभ्या॑मा॒क्रम॑णꣳ स्था॒राभ्यां॑ प्र॒ति॒क्रम॑णं कु॒ष्ठाभ्यां॑ ॥ 47

TS 5.7.15.1 - Padam

मि॒त्रावरु॑णा॒विति॑ मि॒त्रा - वरु॑णौ । श्रो॒णी॑भ्यामि॒ति श्रो॒णि - भ्या॑म् ।
इन्द्रा॒ग्नी इ॒तीन्द्र॑ - अ॒ग्नी । शि॒खण्डा॑भ्याम् ।
इन्द्रा॒बृह॒स्पती॑ इ॒तीन्द्रा॑ - बृह॒स्पती॑ । ऊ॒रुभ्या॑मित्यू॒रु - भ्या॑म् ।
इन्द्रा॒विष्णू॑ इ॒तीन्द्रा॑ - वि॒ष्णू । अ॒ष्टीव॑द्भ्यामित्य॒ष्टीव॑त् - भ्या॑म् ।
स॒वि॒तार॑म् । पु॒च्छेन॑ । गन्ध॑र्वान् । शे॒पेन॑ । अ॒फ॒सर॑सः ।
मु॒ष्काभ्या॑म् । प॒वमान॑म् । पा॒युना॑ । प॒वि॒त्रम् । पो॒त्राभ्या॑म् ।
आ॒क्र॒म॒ण॒मि॒त्या - क्र॒म॒ण॒म् । स्था॒राभ्या॑म् ।
प्र॒ति॒क्र॒म॒ण॒मि॒ति प्र॒ति - क्र॒म॒ण॒म् । कु॒ष्ठाभ्या॑म् ॥ 47 (22)

(मि॒त्रावरु॑णौ - द्वाविंशतिः) (A15)

TS 5.7.16.1

इन्द्रस्य क्रोडो ऽदित्यै पाजस्यं दिशां जत्रवो जीमूतान्
हृदयौपशाभ्या-मन्तरिक्षं पुरितता नभ उदर्येणेन्द्राणीं प्लीहा
वल्मीकान् क्लोम्ना गिरीन् प्लाशिभिः समुद्रमुदरेण वैश्वानरं
भस्मना ॥ 48

TS 5.7.16.1 - Padam

इन्द्रस्य । क्रोडः । अदित्यै । पाजस्यम् । दिशाम् । जत्रवः ।
जीमूतान् । हृदयौपशाभ्यामिति हृदय – औपशाभ्याम् । अन्तरिक्षम् ।
पुरितता । नभः । उदर्येण । इन्द्राणीम् । प्लीहा । वल्मीकान् ।
क्लोम्ना । गिरीन् । प्लाशिभिरिति प्लाशि-भिः । समुद्रम् । उदरेण ।
वैश्वानरम् । भस्मना ॥ 48 (22)

(इन्द्रस्य – द्वाविंशतिः) (A16)

TS 5.7.17.1

पूष्णो वनिष्ठुरन्धाहेः स्थूरगुदा सर्पान् गुदाभिर्. ऋतून् पृष्ठीभिर्दिवं
पृष्ठेन वसूनां प्रथमा कीकसा रुद्राणां द्वितीया ऽदित्यानां तृतीया
ऽङ्गिरसां चतुर्थी साद्धानां पञ्चमी विश्वेषां देवानां षष्ठी ॥ 49

TS 5.7.17.1 - Padam

पू॒ष्णः । व॒नि॒ष्ठुः । अ॒न्धा॒हे॒रित्य॑न्ध-अ॒हेः । स्तू॒रगु॑देति॑ स्तू॒र - गु॒दा ।
स॒र्पान् । गु॒दाभिः॑ । ऋ॒तून् । पृ॒ष्टीभि॑रिति॑ पृ॒ष्टि - भिः॑ । दि॒वम् ।
पृ॒ष्ठेन॑ । व॒सूना॑म् । प्र॒थ॒मा । की॒क॒सा । रु॒द्राणा॑म् । द्वि॒तीया॑ ।
आ॒दि॒त्याना॑म् । तृ॒तीया॑ । अ॒ङ्गिर॑साम् । च॒तु॒र्थी । सा॒द्द॒ध्याना॑म् ।
प॒ञ्च॒मी । वि॒श्वे॑षाम् । दे॒वाना॑म् । ष॒ष्ठी ॥ 49 (24)

(पू॒ष्ण - श्रु॑तुर्वि॒श्रुतिः॑) (A17)

TS 5.7.18.1

ओ॒जो॑ ग्री॒वाभि॑र्-नि॒र्ऋ॑तिम॒स्थभि॑रिन्द्र॒ऽस्वप॑सा॒ वहे॑न॒ रु॒द्रस्य॑
वि॒च॒लः स्क्र॑न्धो॒ ऽहो॒रा॒त्रयो॑र्द्वि॒तीयो॑ ऽर्ध॒मा॒सानां॑ तृ॒तीयो॑ मा॒सां
च॒तु॒र्थ ऋ॒तूनां॑ प॒ञ्च॒मः स॑व॒त्स॒रस्य॑ ष॒ष्ठः ॥ 50

TS 5.7.18.1 - Padam

ओ॒जः । ग्री॒वाभिः॑ । नि॒र्ऋ॑तिमि॒ति निः-ऋ॑तिम् ।
अ॒स्थभि॑रित्य॒स्थ-भिः॑ । इन्द्र॑म् । स्वर॑प॒सेति॑ सु - अ॒प॒सा ।
व॒हेन॑ । रु॒द्रस्य॑ । वि॒च॒ल इति॑ वि - च॒लः । स्क्र॑न्धः ।

अ॒हो॒रा॒त्रयो॒रित्य॑हः – रा॒त्रयोः॑ । द्वि॒तीयः॑ ।

अ॒र्ध॒मा॒साना॒मित्य॑र्ध – मा॒साना॑म् । तृ॒तीयः॑ । मा॒साम् । च॒तुर्थः॑ ।

ऋ॒तूना॑म् । प॒ञ्चमः॑ । सँ॒व॒त्स॒रस्ये॑ति सं – व॒त्स॒रस्य॑ ।

षष्ठः॑ ॥ 50 (20) (ओ॒जो – वि॒शतिः॑) (A18)

TS 5.7.19.1

आ॒न॒न्दं न॒न्द॒थु॒ना का॒मं प्र॒त्यासा॒भ्यां भ॒यञ् शि॒तीम॒भ्यां प्र॒शिषं॑
प्र॒शासा॒भ्याञ् सू॒र्याच॑न्द्र॒मसौ॑ वृ॒क्याभ्या॑ञ् श्याम॑श॒बलौ॑ म॒तस्ना॒भ्यां
व्यु॒ष्टिञ् रू॒पेण॑ नि॒म्मुक्ति॑मरू॒पेण॑ ॥ 51

TS 5.7.19.1 - Padam

आ॒न॒न्द॒मि॒त्या – न॒न्दम् । न॒न्द॒थु॒ना । का॒मम् । प्र॒त्यासा॒भ्यामि॒ति
प्र॒ति – आ॒सा॒भ्याम् । भ॒यम् । शि॒तीम॒भ्यामि॒ति शि॒तीम – भ्याम् ।
प्र॒शिष॒मि॒ति प्र – शिष॑म् । प्र॒शासा॒भ्यामि॒ति प्र – शा॒सा॒भ्याम् ।
सू॒र्याच॑न्द्र॒मसा॒विति॑ सू॒र्या – च॒न्द्र॒मसौ॑ । वृ॒क्याभ्या॑म् ।
श्याम॑श॒बला॒विति॑ श्याम – श॒बलौ॑ । म॒तस्ना॒भ्याम् । व्यु॒ष्टिमि॒ति
वि॒-उ॒ष्टिम् । रू॒पेण॑ । नि॒म्मुक्ति॑मि॒ति नि॒-मुक्ति॑म् । अरू॒पेण॑ ॥ 51 (16)

(आनन्द॑ - षोड॑श) (A19)

TS 5.7.20.1

अ॒हर्मा॒॑सेन॑ रा॒त्रिं पी॑वसा॒ऽपो यू॒षेण॑ घृ॒त॒ र॒सेन॑ श्यां व॑सया
दू॒षीका॑भि-ह्रा॒दुनि॑-मश्रु॒भिः पृ॒ष्वां दि॒व॒ रूपे॑ण नक्ष॒त्राणि॑ प्र॒तिरूपे॑ण
पृ॒थि॒वीं च॑र्मणा छ॒वीं छ॒व्यो पा॑कृ॒ताय॑ स्वाहा ऽल॒ब्धाय॑ स्वाहा हु॒ताय॑
॥
स्वाहा ॥ 52

TS 5.7.20.1 - Padam

अ॒हः । मा॒॑सेन॑ । रा॒त्रिम् । पी॑वसा । अ॒पः । यू॒षेण॑ । घृ॒तम् । र॒सेन॑ ।
श्याम् । व॑सया । दू॒षीका॑भिः । ह्रा॒दुनि॑म् । अश्रु॒भिरित्य॑श्रु - भिः ।
पृ॒ष्वाम् । दि॒वम् । रूपे॑ण । नक्ष॒त्राणि॑ । प्र॒तिरूपे॑णेति प्र॒ति - रूपे॑ण ।
पृ॒थि॒वीम् । च॑र्मणा । छ॒वीम् । छ॒व्या । उ॒पाकृ॑तायेत्युप - आ॒कृ॒ताय॑ ।
स्वाहा । आ॒ल॒ब्धाये॑त्या - ल॒ब्धाय॑ । स्वाहा । हु॒ताय॑ ।

॥
स्वाहा ॥ 52 (28) (अ॒हर॑ - षा॒वि॒शतिः॑) (A20)

TS 5.7.21.1

अ॒ग्नेः प॑क्ष॒तिः सर॑स्वत्यै नि॒पक्ष॑तिः सोम॑स्य तृ॒तीया॑ऽपां
चतु॑र्थ्योष॒धीनां॑ पञ्च॒मी स॑व॒त्सर॑स्य षष्ठी मरु॒ता॒ सप्त॑मी

पद पाठे (वाक्य सहित) – पञ्चमकाण्डे – सप्तमः प्रश्नः

बृ॒ह॒स्प॒ते॒र॒ष्ट॒मी॒ मि॒त्र॒स्य॒ न॒व॒मी॒ वरु॒ण॒स्य॒ द॒श॒मी॒न्द्र॒स्यै॒का॒द॒शी॒ वि॒श्वे॒षां॑
दे॒वा॒नां॑ द्वा॒द॒शी॒ द्या॒वा॒पृ॒थि॒व्योः॑ पा॒र्श्वं॑ य॒म॒स्य॒ पा॒टूरः॑ ॥ 53

TS 5.7.21.1 - Padam

अ॒ग्नेः॑ । प॒क्ष॒तिः॑ । स॒र॒स्व॒त्यै॑ । नि॒प॒क्ष॒ति॒रि॒ति॒ नि॒-प॒क्ष॒तिः॑ । सो॒म॒स्य॑ ।
तृ॒ती॒या॑ ॥ अ॒पाम् । च॒तु॒र्थी॑ । ओ॒ष॒धी॒नाम् । प॒ञ्च॒मी॑ ।
सँ॒व॒थ्स॒र॒स्ये॒ति॒ सं - व॒थ्स॒र॒स्य॑ । ष॒ष्ठी॑ । म॒रु॒ता॒म् ॥ स॒प्त॒मी॑ ।
बृ॒ह॒स्प॒तेः॑ । अ॒ष्ट॒मी॑ । मि॒त्र॒स्य॑ । न॒व॒मी॑ । वरु॒ण॒स्य॑ । द॒श॒मी॑ ।
इ॒न्द्र॒स्य॑ । ए॒का॒द॒शी॑ । वि॒श्वे॒षाम्॑ । दे॒वा॒ना॒म् ॥ द्वा॒द॒शी॑ ।
द्या॒वा॒पृ॒थि॒व्यो॒रि॒ति॒ द्या॒वा॒-पृ॒थि॒व्योः॑ । पा॒र्श्वम् । य॒म॒स्य॑ ।

पा॒टूरः॑ ॥ 53 (29) (अ॒ग्ने॒-रे॒का॒न्न॒ त्रि॒ंश॒त्) (A21)

TS 5.7.22.1

वा॒योः॑ प॒क्ष॒तिः॑ स॒र॒स्व॒तो॒ नि॒प॒क्ष॒ति॒-श्च॒न्द्र॒म॒स॒-स्तृ॒ती॒या॑ न॒क्ष॒त्रा॒णां॑
च॒तु॒र्थी॑ स॒वि॒तुः॑ प॒ञ्च॒मी॑ रु॒द्र॒स्य॑ ष॒ष्ठी॑ सर्पा॒णां॑ स॒प्त॒म्य॒र्य॒म्णो॑ऽष्ट॒मी॑
त्व॒ष्टु॒र्न॒व॒मी॑ धा॒तु॒र्द॒श॒मी॒न्द्रा॒ण्या॑ ए॒का॒द॒श्य॒दि॒त्यै॑ द्वा॒द॒शी॑ द्या॒वा॒पृ॒थि॒व्योः॑
पा॒र्श्वं॑ य॒म्यै॑ पा॒टूरः॑ ॥ 54

TS 5.7.22.1 - Padam

वा॒योः । प॒क्ष॒तिः । सर॑स्वतः । नि॒प॒क्ष॒ति॒रिति॑ नि – प॒क्ष॒तिः ।
च॒न्द्र॒म॒सः । तृ॒तीया॑ ॥ नक्ष॑त्राणाम् । च॒तु॒र्थी । स॒वि॒तुः । प॒ञ्च॒मी ।
रु॒द्र॒स्य । ष॒ष्ठी । सर्पा॑णाम् । स॒प्त॒मी । अ॒र्य॒म्णः । अ॒ष्ट॒मी । त्वष्टुः॑ ।
न॒व॒मी । धा॒तुः । द॒श॒मी । इ॒न्द्रा॒ण्याः । ए॒का॒द॒शी । अ॒दि॒त्यै ।
द्वा॒द॒शी । द्या॒वापृ॑थिव्योरिति॑ द्या॒वा – पृ॒थि॒व्योः । पा॒श्वम् । य॒म्यै ॥

पा॒टूरः ॥ 54 (28)

(वा॒यो – र॒ष्टा॒वि॒ंश॒तिः) (A22)

TS 5.7.23.1

प॒न्था॒म॒नू॒वृ॒ग्भ्या॑ सं॒त॒तिः ७ स्ना॒व॒न्या॑भ्या॑ शु॒का॒न् पि॒त्ते॒न ह॒रि॒मा॒णं
य॒क्ना ह॒ली॒क्ष्णा॑न् पा॒प॒वा॒ते॒न कू॒श्मा॒ञ्छ॒क॒भिः श॒व॒र्तानू॒व॒द्ध्ये॒न शु॒नो
वि॒श॒स॒ने॒न सर्पा॑न् लो॒हि॒त॒ग॒न्धे॒न व॒याँ॒सि प॒क्व॒ग॒न्धे॒न पि॒पी॒लि॒काः
प्र॒शा॒दे॒न ॥ 55

TS 5.7.23.1 - Padam

पन्थाम् । अनुवृग्भ्यामित्यनुवृक् - भ्याम् । संततिमिति सं-ततिम् ।
स्नावन्याभ्याम् । शुकान् । पित्तेन । हरिमाणम् । यक्ना । हलीक्ष्णान् ।
पापवातेनेति पाप - वातेन । कूश्मान् । शक्भिरिति शक् - भिः ।
शवर्तान् । ऊवद्ध्येन । शुनः । विशसनेनेति वि - शसनेन ।
सर्पान् । लोहितगन्धेनेति लोहित - गन्धेन । वयाँसि ।
पक्वगन्धेनेति पक्व - गन्धेन । पिपीलिकाः ।
प्रशादेनेति प्र - शादेन ॥ 55 (22)

(पन्थां - द्वाविँशतिः) (A23)

TS 5.7.24.1

क्रमैरत्यक्रमीद्-वाजी विश्वैर्देवैर्यज्ञियैः सँविदानः ।
स नो नय सुकृतस्य लोकं तस्य ते वयँ स्वधया मदेम ॥ 56

TS 5.7.24.1 - Padam

क्रमैः । अतीति । अक्रमीत् । वाजी । विश्वैः । देवैः । यज्ञियैः ।
सँविदान इति सं - विदानः ॥ सः । नः । नय । सुकृतस्येति

पद पाठे (वाक्य सहित) – पञ्चमकाण्डे – सप्तमः प्रश्नः

सु - कृतस्य । लोकम् । तस्य । ते । वयम् । स्वधयेति स्व-धया ॥

मदेम ॥ 56 (18) (क्रमै - रष्टादश) (A24)

TS 5.7.25.1

द्यौस्ते पृष्ठं पृथिवी सधस्थमात्मान्तरिक्षं समुद्रो योनिः
सूर्यस्ते चक्षुर्वातः प्राणश्चन्द्रमाः श्रोत्रं मासाश्चाद्धर्मासाश्च
पर्वाण्यृतवोङ्गानि सँवत्सरो महिमा ॥ 57

TS 5.7.25.1 - Padam

द्यौः । ते । पृष्ठम् । पृथिवी । सधस्थमिति सध - स्थम् । आत्मा ।
अन्तरिक्षम् । समुद्रः । योनिः । सूर्यः । ते । चक्षुः । वातः ।
प्राण इति प्र - अनः । चन्द्रमाः । श्रोत्रम् । मासाः । च ।
अद्धर्मासा इत्यद्धर् - मासाः । च । पर्वाणि । ऋतवः । अङ्गानि ।
सँवत्सर इति सं - वत्सरः । महिमा ॥ 57 (25)

(द्यौ - पञ्चविंशतिः) (A25)

TS 5.7.26.1

अग्निः पशुरासीत् तेनायजन्त स एतं लोकमजयद्-यस्मिन्नग्निः
स ते लोकस्तं जेष्यस्यथाव जिघ्र वायुः पशुरासीत् तेनायजन्त स

पद पाठे (वाक्य सहित) – पञ्चमकाण्डे – सप्तमः प्रश्नः

ए॒तं लो॒कम॑ज॒यद्-यस्मिन् वा॒युः स ते लो॒कस्तस्मा॑त् त्वा॒ऽन्तरे॑ष्यामि
यदि ना॒वजिघ्र॑स्यादित्यः प॒शुरासी॑त् तेना॒यजन्त॑ स ए॒तं
लो॒कम॑ज॒यद् यस्मि॑ - ()-न्नादित्यः स ते लो॒कस्तं जे॑ष्यसि
यद्य॒वजिघ्र॑सि ॥ 58

TS 5.7.26.1 - Padam

अ॒ग्निः । प॒शुः । आ॒सीत् । तेन॑ । अ॒यज॑न्त । सः । ए॒तम् । लो॒कम् ।
अ॒जय॑त् । यस्मिन् । अ॒ग्निः । सः । ते । लो॒कः । तम् । जे॑ष्यसि ।
अथ॑ । अ॒वेति॑ । जिघ्र॑ । वा॒युः । प॒शुः । आ॒सीत् । तेन॑ । अ॒यज॑न्त ।
सः । ए॒तम् । लो॒कम् । अ॒जय॑त् । यस्मिन् । वा॒युः । सः । ते ।
लो॒कः । तस्मा॑त् । त्वा । अ॒न्तः । ए॒ष्यामि॑ । यदि॑ । न ।
अ॒वजिघ्र॑सीत्य॒व-जिघ्र॑सि । आ॒दित्यः॑ । प॒शुः । आ॒सीत् । तेन॑ ।
अ॒यज॑न्त । सः । ए॒तम् । लो॒कम् । अ॒जय॑त् । यस्मिन् () ।
आ॒दित्यः॑ । सः । ते । लो॒कः । तम् । जे॑ष्यसि । यदि॑ ।
अ॒वजिघ्र॑सीत्य॒व - जिघ्र॑सि ॥ 58 (58) (यस्मि॑ - न्नष्टौ च॑) (A26)

Prasna Korvai with starting Padams of 1 to 26 Anuvaakams :-

(यो वा अ॒य॒थादे॒वत॒ – न्त्वा॒म॒ग्न॒ – इन्द्र॑स्य॒ – चि॒त्तिं॒ – य॒था॒ वै –
व॒यो॒ वै – य॒दाकू॑ताद् – या॒स्ते॒ अ॒ग्ने॒ – म॒यि॑ गृह्णामि॒ – प्र॒जाप॑तिः
सोऽ॒स्मात् – स्ते॒गान् – वा॒जं॑ – कू॒र्मान् – यो॒क्त्रं॑ – मि॒त्राव॑रुणा
– वि॒न्द्रस्य॑ – पू॒ष्ण॒ – ओ॒ज॑ – आ॒न॒न्द॒ – म॒ह॑ – र॒ग्ने॒ – र्वा॒योः
– प॒न्थां॑ – क्र॒मै॒ – द्यौ॑स्ते॒ – ऽग्निः॑ प॒शुरा॑सीत् – ष॒ड्वि॑ंशतिः)

Korvai with starting Padams of 1, 11, 21 Series of Panchaatis :-

(यो वा – ए॒वाऽऽहु॑ति – म॒भ॒वन् – प॒थि॑भि॒ – र॒व॒रु॒ध्या॑ – ऽऽन॒न्द
– म॒ष्टौ॑ पञ्च॒शत्)

First and Last Padam of Seventh Prasnam of 5th Kandam :-

(यो वा अ॒य॒थादे॒वतं॒ – य॒द्य॒व॒जिघ्र॑सि)

पद पाठे (वाक्य सहित) – पञ्चमकाण्डे – सप्तमः प्रश्नः

Kaanda Korvai with starting Padams of 7 Prasanams of Kandam 5:-

(सा॒वि॒त्रा॒णि – वि॒ष्णु॑मु॒खा – उ॒थ्स॑न्नय॒ज्ञो – दे॒वा॒सु॒रा – यदे॒के॒न
– हि॒र॒ण्य॑व॒र्णा – यो वा – स॒प्त)

॥ हरिः ओं ॥

॥ कृष्ण यजुर्वेदीय तैत्तिरीय संहितायां पद पाठे पञ्चमकाण्डे

सप्तमः प्रश्नः समाप्तः ॥

॥ इति पञ्चमं काण्डं ॥

पद पाठे (वाक्य सहित) – पञ्चमकाण्डे – सप्तमः प्रश्नः

Details of Panchati and Padam for Kandam 5, Prasanam 7 (TS 5.7)

	Panchati	Padams
Anuvakam 1	3	148
Anuvakam 2	5	275
Anuvakam 3	4	196
Anuvakam 4	4	207
Anuvakam 5	7	345
Anuvakam 6	6	303
Anuvakam 7	3	164
Anuvakam 8	3	166
Anuvakam 9	4	225
Anuvakam 10	3	150
Anuvakam 11	1	22
Anuvakam 12	1	25
Anuvakam 13	1	23
Anuvakam 14	1	21
Anuvakam 15	1	22
Anuvakam 16	1	22
Anuvakam 17	1	24
Anuvakam 18	1	20
Anuvakam 19	1	16

पद पाठे (वाक्य सहित) – पञ्चमकाण्डे – सप्तमः प्रश्नः

Anuvakam 20	1	28
Anuvakam 21	1	29
Anuvakam 22	1	28
Anuvakam 23	1	22
Anuvakam 24	1	18
Anuvakam 25	1	25
Anuvakam 26	1	58
Total →	58	2582

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in